

seenja-n t' Berma hidrn, man hoda wadgankena. <sup>23</sup> Ta hewl na mà haar tii Gayuuswu n bá kpogla taa haa bee seenja-n. Korgu karfoka tii Heerastwu n nan t' teel Kwartuus bà seenja-n. [<sup>24</sup> T' Berm Yeesu Krista hõmggu bẽm n`mẽmbee n`man! L` bẽm welee!]

<sup>25</sup> Tn nyokm-n Sangband! D` ba n gemmnt na d` hafhg n` gwẽet hẽn tiim l` magr n Gohõmt dn ree n werii má ka fan tii. Tii nnii Yeesu Krista Gohõmt. T` magra n fohmgan gwẽet ln da kpehdr binan tii. <sup>26</sup> Gwelŋa Sangband sira huru l` ree-t n werii ka tagaa n \*gwẽet bõhõotba wadii. Dii bee kakehnan. D` hera welee ka bo na tiga mẽna miig d` gwẽet, hà tiim d` hẽn ka vala-d. <sup>27</sup> Dii n jah beel n rarbiiilm. Dii hehl n nyokb ka tagaa n Yeesu Krista, bina mẽna kakehnan. L` bẽm welee!

Foola wadnoogrga fan da hõd

# KORƐƐNT TIIBA

kee

————— B` ba wadgankenan bii —————

*Foola hõda wadgankena KorƐƐnt Krista tiiba. KorƐƐnt korgu ba Grẽẽ tant huuga. Da korbermgũ kuugun. Foola da koolg kan kpaturu (nyaan Tumtba ŋmẽegt 18. 1-18). \*Yuudaa tiiba balanba t lagii neerm. Lee, Foola t bid hayenwu \*bá kpaŋ na Yuudaa tiiba bee wee. Bee kod t kit Krista tiiba. Foola hera bá man bind n gidgu n nyab. Korbermgũ neerbehm t tɔl Krista tiiba. Lee, Foola t ka bag na hà demii hà ŋmẽlgm-ba hurhõmu jugun. Kan kpaturu da beel bermu ŋmẽẽgb fan her bii mẽmbiin. Hà hõda wadgee ka higaa diila hareha jugun.*

*Nooga sah bà beda-wu na bii gẽta kpaturun beŋgu. Bii nnii kpala n neerbehm. Vont nnii na bà hõda-wu wadga ka gbaama-wu gwẽet jugu. Lee, Foola t nan hoorm wadgankena ka leeda-ba. Lee, wadgee t ka ba n gbẽha hareh'.*

- Hubi<sup>1ga</sup> kakehnan hubi<sup>6ŋan</sup>, Foola tɔɔ hà diila ban da bed-wu tii jugun.
- L` loɔg hubi<sup>1ga</sup> kakehnan hubi<sup>4gan</sup>, hà bõhõɔ kpaturun raarb gwẽet.
- Hubi<sup>5ga</sup> n hubi<sup>6ŋan</sup>, hà bõhõɔ kpaturun neerbehm gwẽet.
- Hubi<sup>7ga</sup> kakehnan hubi<sup>15gan</sup>, Foola leeda ban da hõd ka gbaama tii jugun.
- Hubi<sup>7ŋan</sup>, hà leeda-ba yaala n dahentiit l` gwẽet jugun.
- Hubi<sup>8ŋa</sup> kakehnan hubi<sup>11ga</sup> vug<sup>1un</sup>, hà leeda-ba vidnamt gwẽet jugun.
- Hubi<sup>11ga</sup> vug<sup>2u</sup> kakehnan vug<sup>34un</sup>, hà leeda-ba kpaturun beeb gwẽet jugun.
- Hubi<sup>12ga</sup> kakehnan hubi<sup>14gan</sup>, hà leeda-ba Voħoom Buudm hõmggu gwẽet jugun.
- Hubi<sup>15gan</sup>, hà leeda-ba kpiirma himtgm gwẽet jugun.
- Hubi<sup>16ŋan</sup>, Foola fela hà wadga ka bõhõɔ-ba liğbiir jɔɔŋb gwẽet n govont jugu jugu ka ta seenja-ba.

## Seenɔ

**1** <sup>1-2</sup> Man nnii Fɔɔla, Yeesu Krista \*tumta. Sa Sangband mɔmɔ sɔkl n fɛm na mà kitg welee. Má n t` teel Sosteena t` fooro wadgankena Krista kpaturu tiiba nen, nen ba Kɔrɛnt nen, n nan biiba bá la ba baatee ka hoh Yeesu Krist na bá berma wo t` dela bee. N` n Yeesu Krist n` laglɔn, n` kit hɔmba Sangband nɔngan, d` logm-n na d` reba. <sup>3</sup> Sa Sangband n t` Berm Yeesu Krist bá hɔmgu n bà niigiigu bɛm n` man!

<sup>4</sup> Mà seenɔ mà Sa Sangband heruf na wii heru hɛmɛɛgb n saa na n` sohdg hà hɔmgu, na n` n Yeesu Krist n` laglɔ. <sup>5</sup> Biilm, l` tag n Krista hɛn n hugl-n n hɔmbermgugu jugu jugu. Gwɛɛt faatba n miidba kpaɛ jaf n` huuga. <sup>6</sup> Krista Gohɔmt bahra rugi n` ni. <sup>7</sup> Lee, bii ta kpaɛ fad-n Sangband hɔmgun na n` neer ka kpowr n Yeesu Krista, ka hɔd hà daanm goor. Wii nnii t` berma. <sup>8</sup> Wii ba hà hafɔlɔm-n kakefnan hà daanm goorii<sup>2</sup> na hii daa nan nyaan tiit na hà biir n` hɛn. <sup>9</sup> Sangband hoh-n na n` n d` Budaaga t` Berm Yeesu Krist n` laglɔ. D` bɔhɔɔ d` gwɛɛt n ka mad-t.

## RAARB JIB KPATURUN

## Raarb jib Kɔrɛnt kpaturun

<sup>10</sup> Mà teelba-n, mà bahla-n ka jowaa-n t` Berm Yeesu Krista hidrn na n` bɛm noyend, na n` daa saam raarb jiba n` huuga, n` laglɔ n` bɛm yenm ka fɛm n taa n` vohoom jiba taa. <sup>11</sup> Gwentahaa, Kɔɔlwea reba beda-ma n` gwɛɛt. Má filuu n yum na raarb jib n` huuga. <sup>12</sup> Mà teelba-n, man bo na mà biir-n tii kɔtɔd nnii na, hii bɔhɔɔ na hà tagda Fɔɔla, vol na Háfɔloosa, vol na Fetra, ta vol na Krista.

<sup>13</sup> Hɛe waa, ¿ Krista ba tɔmb mliimn? ¿ Fɔɔl nnii ban kpaɛr \*dabragr hɛn n` kaa? ¿ Laa bà da \*hoda-n Sangband nyaalm Fɔɔla hidrn le? <sup>14</sup> L` heru hɔm na mà ba hor n` ni hii ka l` kpaɛ ba Kiriisfuuswu n Gayuusa. <sup>15</sup> Lee, hii kpaɛ hà bee hà biir na maa hidrn nnii ban hod-wu. <sup>16</sup> Hɛee, mà da ta hoda Sitefanaaswu n haa reba. Mà ta kpaɛ diila na mà da hoda hiiwu bee kaann.

**1.8. Hà daanm goor.** Goorii ba na Saberma goor In bɔhɔɔ Tuurnkpeemt wadgan dii. L` goorii, hà nan rea hayen hà werii nidba mɛmba, hà yaa-ba n yaagu.

<sup>17</sup> Biilm, Krista ba tamn-ma na mà huurm nidba. Hà tamn-ma na mà faam hà Gohɔmt. Man faa-t lee, mà kpaɛ faa-t n nida rarm, ka bo na Krista dabragr hɛn kuum daa bɛm yem.

## Yeesu Krist nnii Sangband rarm n d` gemmnt

<sup>18</sup> Bii b` hɛl Krista \*dabragr hɛn kuumii gwɛɛt, bá bɔd bee logl-t na tilɔn. L` ba na ten In dafɔr t` juuni tenii, tii yul na Sangband gemmnt mɔmt nnii. <sup>19</sup> ¿ L` ba hor \*Wadbuudgan na:

*Sangband kee d` kpil rarm tiiba rarm,  
l` saa d` tɛgdg wadmiidba rem?*

Krl

<sup>20</sup> ¿ Rarm tiiba ba tee? ¿ \*Bahɔlɔ weriitba ba tee? ¿ Goona rogdrta ba tee? ¿ Sangband ba hɛ nidba rarm t kit tilɔn? <sup>21</sup> Biilm, Sangband rarm kan werii myen ree, nidba ba bee n miig-m ka tagaa n bayen bà rem. Tii kaa nnii Sangband nn nyan na l` ba hɔm na d` dah bá tia d` hɛn bee juuni ka tagaa n Gohɔmt tn faa nidba log na tilɔn tii. <sup>22</sup> Biilm, sah na bá tia, \*Yuudaa tiiba bee bagl hoolgu hɛb. L` saa Grɛɛs tiiba bee bag rarm. <sup>23</sup> Ten ba na Krista tiiba ten, tii faa Krista dabragr hɛn kuum gwɛɛt. Yuudaa tiiba bee yul na gwɛɛtii kpaɛ tiim, \*bá kpaɛ na Yuudaa tiiba bee yu na gwɛɛtii ba na tilɔn mɔmgan. <sup>24</sup> Sangband nn hoh bee lee, mig Yuudaa tii laa Grɛɛs tia, bee yul na Krist nnii há weraa Sangband gemmnt. Wii ta weraa d` rarm. <sup>25</sup> Sangband tilɔn ba rarm ka yata tant hɛn rem. Sangband gigdm ba n gemmnt ka yata nidba ret.

<sup>26</sup> Mà teelba-n, nen Sangband nn hoh nen, ¿ nen nnii teba? Geedg-n n` nyaan n` huuga! ¿ Ban hoh na rarm tiiba bee ba balaa? ¿ Bermba ba balaa? ¿ Hɔmba ba balaa? <sup>27</sup> Yanta, Sangband bantg ban log na tilantiiba bee na jiwɛi kpal rarm tiiba. D` bantg ban log na gigdm tiiba bee na jiwɛi kpal bá ba n gemmnt bee. <sup>28</sup> D` bantg bá ba yem ka kpaɛ tɔn bá kpaɛ log-ba na bii bee na jiwɛi kpal hɔmba.

<sup>29</sup> D` heru welee na hii daa nyɔkm hayen Sangband nɔngan. <sup>30</sup> Sangband laglɔ-n n Yeesu Krista. Wii ni nnii t` rarm nn bee. Sangband mɔmɔ sira-t-m. Mii nnii Krista. Wii heru t` kit hɔmba. Wii faadra t` hidrn. Wii heru t` kit Sangband reba. <sup>31</sup> D` heru welee ka bo na \*Wadbuudgan gwɛɛntina hɛ t` jugun na:

*há bag na hà nyɔkm hayen wii,  
há nyɔkm hayen Saberma nn her-wu bii kaa.*

## Fɔɔla faa Krista gwɛɛt

**2** <sup>1</sup> M̀a teelba-n, m̀a daan n`man na m̀a werii-n Sangband kpeɲkpeɲgan gwɛɛt. Lee, m̀a daanmii, maa ba daan n ka rogdra rarm gwɛɛt na l`saa n`tii man bo na m̀a biir-n tii. <sup>2</sup> M̀a daan ka figr bii byenb jugun. Bii nnii Yeesu Kristwu n h̀a \*dabragr hɛn kuum gwɛɛt. <sup>3</sup> Man daan lee, ka ba gigdm, fobɛɲgu mad-ma, m̀a ka gwɛɛla ka dehra kpaɲ kpaɲ. <sup>4</sup> M̀a gwɛɛt faam da kpaɲ figr nida rarm jugun na n`tii. Wo nn tii lee, l`werii na Sangband \*Vofoom gemmnt hera t`ɲmɛɛɲb. <sup>5</sup> M̀a hera welee na n`tii ka figr Sangband gemmnt jugun, lag nida rarm jugun.

## Sangband rarm

<sup>6</sup> Rarm tn weraa mii, t`weraa-m biiba b́a tii Yeesua hɛn, b́a gwɛɛt hɛn tiim t haf bee. Rarm tn faa mii kpaɲ ba na tantntina hɛn remn, lag ta tantntina hɛn bermba remn, l`nan tɛgda bee kpaalaa. <sup>7</sup> Welee rarmii manna Sangband ban ree tant. Gwentahaɲ, m`da ba fohmgan, Sangband t lo-m ka hɔd t`jeɲɲb. <sup>8</sup> Ka tantntina hɛn bermba t da miig-m, b́a da kpaɲ b́a kpaɲ Berma mɔmwu \*dabragr hɛn. <sup>9</sup> Tii nnii \*Wadbuudga nn bɔɲɔɔ na:

*bii hii nn ba nyaan n h̀a nɔmb bii,  
hii nn ba hom n h̀a tobr bii,  
hii nn ba diilg h̀a jugun tii,  
Sangband maantr l`mɛnguu  
ka hɔd biiba b́a sɔkla-d bee.*

<sup>10</sup> Ten lee, Sangband ree welee n werii-t ka tagaa n d`\*Vofoom Buudm. Sangband Vofoom nyigaa ka miigaa l`mɛmɛnguu ka lagaa n d`diila h́a ba kilmgun hee mɛɲ'.

<sup>11</sup> ǀ Hii ba h̀a bee h̀a miig bii b`ba h̀a nidtuura kwɛɛwrn biin? Nida miil bii b`ba hayen h̀a kwɛɛwrn bii. Ta welee nnii hii nn kpaɲ h̀a bee h̀a miig Sangband diila ka l`kpaɲ ba na Sangband Vofoom. <sup>12</sup> Ten lee, vofoom tn sohdg mii rɛnn Sangband man, lag tantntina hɛn. T`sohdg-m na t`miig hɔmgɔ dn sah-t kuu mɛnguu. Lee, gwɛɛt tn faa tii, t`faa-t wo lan nnii Sangband Vofoom nn weraa-t lee. <sup>13</sup> T`kpaɲ faa-t ka rogdra rarm gwɛɛt wo nidba nn weraa lee. Bii b`hel Sangband Vofoom bii, t`weraa ka tagaa n gwɛɛt vofoomii nn tɔɔ-t tii. <sup>14</sup> Wo tn weraa welee lee, l`ka kpaɲ sah huru na nida bee h̀a kewii t`kɔtɔd. Wii t ka log welee na tilɲan. Biilm, ka sug na

hii jahuu-t, l`ba na h̀a bɛm n Sangband Vofoom. <sup>15</sup> L`saa h́a ba n Vofoom Buudm wii jahwa l`mɛnguu. Hii kpaɲ h̀a bee h̀a jahuu-wu. <sup>16</sup> Welee jugun nnii ln hɔd Wadbuudgan na: ǀ *wen nnii h̀a ba h̀a bee h̀a miig Saberma diila?* ǀ *Wen ba h̀a bee h̀a hewl-wu rarm?* Ten lee, tii ba n Krista diila.

## Krista tiiba tagda Kristwu n jah'

**3** <sup>1</sup> Biilm, teelba-n, m̀a ba bee n gwɛɛl n nn wo b́a ba n \*Vofoom Buudm bee. M̀a gwɛɛl n nn wo b́a ba n tantntina hɛn neerm bee. N`boo buluumii Krista huru jugun. <sup>2</sup> Lee, beheem nnii man da to-n. L`weraa na ka m̀a da to-n diit mɔmt, n`da kpaɲ n`bee n`sohdg-t. Hn la jana, n`kpaɲ n`bee. <sup>3</sup> ǀ Na la? Nɔmmooga ba n`huuga, kpala ta bee. ǀ Welee kpaɲ weraa na n`neera tantntina hɛn neerm? <sup>4</sup> Lee, wunaf na h̀a tagda Fɔɔla, vol na H́afɔloosa. ǀ Welee kpaɲ weraa na n`neera tantntina hɛn neerm?

## Fɔɔla rea gwɛɛt fantba ɲmɛɛɲb kɔtɔd

<sup>5</sup> ǀ Wen mɔm nnii Fɔɔla? ǀ Wen mɔm nnii H́afɔloosa? T`ba na Sangband ɲmɛɛheedba n jah'. D`tag n t`hɛn n`ka ba n gwɛɛt hɛn tiim. T`hera ɲmɛɛɲb Sangband nn to-t bii. <sup>6</sup> Maa hoowran, H́afɔlooswii t yagii, Sangband dii t hɛm l`berɲ. <sup>7</sup> Maa nn hoow n H́afɔloosa nn yagaa lee kpaɲ bii. Sangband nn hɛna l`berɲ lee beel daft. <sup>8</sup> H́a hoow wii n h́a yagaa wii, b́a ba yenm. B́a kee b́a sohdg b́a ɲmɛɛɲb giidm fat. <sup>9</sup> Ten lee, t`n Sangband t`hɛna ɲmɛɛɲb, nii ba na Sangband kpamb, ta nen nnii haar dn mɔɲ dii.

<sup>10</sup> Wo Sangband nn sir-ma lee, maa koolg bobogr, hii jeena t ka mɔɲ d`jugun. M̀a hera welee n rarm wo mɔɲdba bermhii. Gwentahaɲ, l`ba na baaben tia he hɔm n fan mɔɲ lee. <sup>11</sup> Hii kpaɲ h̀a bee h̀a koolg bobogjeend diir d`bee dii kpamga. Dii nnii Yeesu Krista. <sup>12</sup> Hii ba h̀a bee h̀a mɛɲ bobogrii jugun n sika, vola mɛɲ n liǵbiir kudnaɲu, vola mɛɲ n tanhɔma, vola mɛɲ n dabia, vola ta mɛɲ n moot. <sup>13</sup> Gwentahaɲ, yaagu yaam goor nnii baawena ɲmɛɛɲb nn kee b`riir wiingan. Bogm kee m`jahuu-b b́a nyaan b`daft. <sup>14</sup> Ka bogm ba bee n jum hii ɲmɛɛɲb fan her bii, h̀a yuɲ h̀a fat. <sup>15</sup> Ka bogm t di hii ɲmɛɛɲbii, h̀a giidm kul n kol. Wii mɔm lee, l`dah h̀a jugu gwentah, wo hii nn feta bogm noon lee.

<sup>16</sup> Nen nnii \*Sangband haar. Sangband \*Vofoom kan ba nnii.

Krl

¿ N' kpaá mi weleen? <sup>17</sup> Ka hii t' gbuɸ Sangband haar, Sangband ta kofɸ-wu. Haarii ba na habuudrn. Nii nn ta ba nii.

### Hii daa weriim hayenwu hii kaa!

<sup>18</sup> Hii daa la hogɸm hayenwu yem! Ka n` ni hii tagd nida rarm ka log hayen na wii nnii rarmiida, l` saa hã til ka bo na hã miig rarm mɔmm. <sup>19</sup> Biilm, Sangband logɸ tantntina hɛn rarm na tilɸan. L` hɔda na *Sangband mooga rarm tiiba bà mɔmba bà toriin*. <sup>20</sup> L` ta lilm na *Saberma miil rarm tiiba diila ka mi hɔm na hamn*. <sup>21</sup> Tii lee, hii daa nyɔkm hayenwu hii kaa! L` mɛnguu, nen hefln. <sup>22</sup> Mig, Fɔɔl laa, Hãfɔloos laa, Fetra, mig tant tn ba t` hɛn tii, mig neerm laa kuum, mig jana laa su, l` mɛnguu, nen hefln. <sup>23</sup> Nen lee, nii ba na Krista hefl n nn. L` saa Krist wii ba na Sangband hefl n wun.

**4** <sup>1</sup> Tii lee, bii b` hel ten bii lee, l` ba na bá logm-t na Krista kwɛɛn tiiba, na Sangband gwɛɛt ln ree n werii tii sagdba. <sup>2</sup> ¿ Ben nnii ban hɔd n hii há sug want hɛn wii? ¿ Lag na hã mad hã ηmɛɛɸb hɔm? <sup>3</sup> Welee kaa nnii, ka bá sam-ma, nen laa, biiba t ka yaa-ma n yaagu, l` kpaá bɔhɔɔ manwu lii. Mà mɔma, mà ta kpaá bag na mà biir tiit mayen mà jugun. <sup>4</sup> Mà kpaá yu tiit t` ba bɛɸgu mà ni tii. Gwentahaa, lag tii kaa nnii man ba hɔmwu Sangband nɔngan. Mà miil na Berm n jah yaa-ma n yaagu. <sup>5</sup> Tii kaa nnii man bɔhɔɔ-n na n` kpidwa ka yaa yaagu goor ban taan. Goorii, hã kee hã ree l` mɛnguu wiingan, bii b` ba fɔhmgan bii n nidba jugun diila mɛh'. Lee, Sangband bakr baawena l` magr n ηmɛɛɸb hɛn her bii.

<sup>6</sup> Teelba-n, mà to-n welee tɔniib jugu jugu má n Hãfɔloos t` jugun na n` bee n` mug gwɛɛntina na hii daa hewl bii ban hɔd \*Wadbuudgan bii jugun. Lee, na n` ni hii daa weriim hayen ka bɔhɔɔ na wii nnii hii kaa tagdta ka taaw volwii n hoodr. <sup>7</sup> ¿ Lɔg vyen na wenii? ¿ Ba n ben ka ba sofdg-b? Ka l` ba na l` sira-v l` mɛnguu de, ¿ ben kaa nnii vn nyɔka vyen wo l` biir na v` mɔm v` giidm bii?

<sup>8</sup> Nii fetg toɸb. N` tur n kit huraamba. Nii bah huraant deb ka saa-t.

¿ N` wena huraant mɔmt? Ka ln bɛm na huraant mɔmt, ¿ tii t ka ba kpaamga de? <sup>9</sup> Yanta l` hɛna-ma wo Sangband lɔgra \*tumtba ten n kɔhd kaalanɸkaawrgan. D` diin-t wo biiba ban lo na bà da bà ku bee. D` diin-t welee kɔrguu mɛnguu nɔngan, nidba n \*sangbantumtba t ka yuu-t. <sup>10</sup> Krista kaa, tii ba na tilantiiba, nii ba na rarm tiiba. T` ba gigdm, nii ba n gemmnt. Bà nima-t, ka jeenɸla nen. <sup>11</sup> Hn la jana, kɔm

n nyunyuudu kua-t. Dimgu mɔmgu kpaɸ-t, bà gbuu-t t` yɔhwa yem. <sup>12</sup> T` giida giidm ka hɛna ηmɛɛɸb n t` nifi. Bà suul-t, tii gwɛɛla nohɔmr bá kaa. Bà hɛna-t dad dad, t` ju kwɛɛwr. <sup>13</sup> Bà gbafra-t, t` doola bà kwɛɛwa. Hn la jana bà logɸ-t wo vaant, t` kit bint nidba nɔngan.

<sup>14</sup> Ka mà hoor-n gwɛɛntina, mà kpaá hoor-n-t na mà tiglg-n jiwɸi. Mà hoora-t wo sahii nn hafɸa hã buhɔmii lee. <sup>15</sup> Lee, Krista huru jugun, ka n` la ba n bermba ruugu n faht, hayenɸa n jah beel na n` sa. Biilm, mà da faa-n Yeesu Krista Gohɔmt n` tii t` hɛn n kit mà bii. <sup>16</sup> Tii lee, mà reba-n, mad-n mà beeb! <sup>17</sup> Tii kaa nnii man tuuna-n Timotea. Man da ta faa-wu Gohɔmt há tii t` hɛn n kit mà buhɔmga. Hã mada Saberma gwɛɛt l` bu. Wii ba hã deedg-n man da werii-n bii mɛmbii. Hã ba hã werii-n Krista huru mà mɔm man weraa huu. Mà weraa-hu kpaturin baatea. <sup>18</sup> N` huuga biiba weraa bayen ka diila na mà nan ta kpaá ηmetgna. <sup>19</sup> Lee, ka Saberma t sokl, maan ηmetgn n` man. Lee wen lee, mà miig bá weraa bayen bee gemmnt jah', lag bá noon gwɛɛlb yen. <sup>20</sup> Biilm, \*Sangband huraant kpaá ba na noon gwɛɛtn. T` ba na gemmntn. <sup>21</sup> ¿ Ben mɔmb nnii nn bagi? ¿ N` bagl na mà daan ka mad dabiir laa, mà daan ka gwɛɛla hɔm ka ba lamɛɛtn le?

Krl

## KɔRGUN NEERM GWɛɛT JIB KPATURUN

### Kɔrɛnt tiiba kpaá neer hɔm

**5** <sup>1</sup> Mà fuma bà nuura nuu nuu na neerbɛɸm miim jib n` huuga. Welee neerbɛɸmii ta la diira jugun n yat kpaalaa ka ba na bà kpaɸ bà bee bà nyaan-m bá kpaá door Sangband tiɸan bee man. Na n` huuga, hii gool n hã nya rehɸra. <sup>2</sup> N` ka fuura nyen. Ln bɛm na n` kad n diila n` ree welee nidwii n` huuga. <sup>3</sup> Man lee, maa fetg welee nidwii n yaagu yaam wo l` biir na mà ba n` man. Mà la kpaá ba n` man, gwentah, mà diila ba n` man. <sup>4</sup> N` daa ba n` tarj t` Berm Yeesua hidrn, maa diila n jah ba n` manii, t` laglg t` mɛmɛmbee n t` Berm Yeesua gemmntn <sup>5</sup> t` log welee nidwii t` taag \*Saatana natadn na l` kpaii bɛɸgu kú ba hã ni kuu ka bo na hã nan yuunɸ jugu dahb Berma ηmetgnm goor<sup>2</sup>.

**5.5.** T` taag \*Saatana natadn na l` kpaii bɛɸgu kú ba hã ni kuu ka bo na hã nan yuunɸ jugu dahb. Gwɛɛtii kotod ba nigiiib. Ka bá log gwɛɛgu gwɛɛgu l` ka hum na ... na l` ku há gbanu, na há liliigu nan yuunɸ jugu dahb.

<sup>6</sup> ǀ N`mɔmba n`weraa nyen na laa? ǀ N`kpa mi na kpooni ragr tutugmbiim hɛna tɛɛgt mɛnt t fuurn? <sup>7</sup> Tii lee, neer-n neerhɔmm n`ree kpooni ragkpeemr, n`kitg tɛɛgkwɛɛnt ragr kpaɸ t`ni! Biilm, nn ba nii, l`kɔtɔd na bɔ fɛtg t`\*Getgm kasant fɛɛbuga vidb. Kee nii Krista. <sup>8</sup> Tn jum-n kasant! ǀ Bɔ jul-t n kpooni hɪ ni ba ragrn? ǀ Lag bɔ jul-t n kpooni hɪ ni kpaɸ ragr? Tii lee, kɔɸdg-n bɛɸgu n hɛbbɛɸb n`neer neerhɔmm, nakakeet n gokaat kpaɸ m`ni!

<sup>9</sup> Lee, mɔ wadkaawrgan, mɔ da hɔda ka bɔhɔɔ-n na n`saag nyen n nidba bɔ neer neerɛɸm bee. <sup>10</sup> Ka mɔ da biir welee, mɔ ba biir na n`radg nyen n nidba bɔ neer neerɛɸm bee mɛmbee laa, nɔmvuurɸu tiiba laa, bawdba laa, bɔ door boga tiɸan bee mɛmbee. Ka ln bɛm welee, n`ta kpaɸ n`neer tantntina hɛn. <sup>11</sup> Mɔ bɔhɔɔ-n na biiba bɔ hɔɸ bayen na t`teelba ka neer neerɛɸm bee laa, ka ba nɔmvuurɸu laa, ka door boga tiɸan laa, ka su nidba laa, ka nyi daam ka kuu laa, ka baaw bee, bee nii ln kpaɸ na n`nyɔɸr n. Ln ta kpaɸ n magr fel fel na n`ban n`jum diit taa man. <sup>12</sup> ǀ Mɔ gwɛɛt nii na mɔ yaam n bɔ kpaɸ Sangband kpaturun been? ǀ Lag nen beel n`yaam n n`kpaturun tiiba? <sup>13</sup> Bɔ kpaɸ kpaturun bee, Sangband nan yaa bee n yaagu. Lee, voo-n hɛbbɛɸb tiwu n`huuga!

#### Krista tiiba taa sama gwɛɛt

**6** <sup>1</sup> ǀ L`hɛna lan na ka gwɛɛt ba n`huuga, n`saa bɔ kpa mi Sangband hɛn bee na bɔ yaa-n n yaagu? ǀ N`kpaturun tiiba kpaɸn? <sup>2</sup> Ka l`ba na Sangband reba kee bɔ yaa tant n yaagu de, ǀ n`kpaɸ n`bee n`yaa gotaktaklii? <sup>3</sup> Ten kee t`yaa \*sangbambiim tiiba n yaagu. ǀ N`kpa mi weleen? Welee de, ǀ t`ka kpaɸ t`bee t`yaa tantntina jugun gwɛɛt? <sup>4</sup> Gwentafaa, n`wen ba n welee yaanhii laa benii, n`bagm nidba bɔ kpaɸ kpaturun bee mɔmba. <sup>5</sup> ǀ Jiwɸi kpaɸ-n? ǀ Rarm tiihii ta la kpaɸ n`huuga nii na hɔ bee hɔ radgm gwɛɛt? <sup>6</sup> ǀ L`gbaama welee na Krista tia sam hɔ teela? Nii lag nii n ka sam taa bɔ kpa mi Sangband hɛn bee man.

<sup>7</sup> Wo gwɛɛt nn ba n`huuga lee, l`weraa na n`loda kpaalaa. ǀ Ben kaa nii ban hɛna-n bɛɸgu n`kpa ju kwɛɛwr? ǀ Ben kaa nii nn kpa sa na bɔ bam-n? <sup>8</sup> Nen felg n ka baaw ka hɛna bɛɸgu volba. L`ba na n`kpaturun tiiba mɔmba nii nn hɛna welee. <sup>9-10</sup> Biiba bɔ hɛna bɛɸgu bee nan kpa sofda bɔ kaalant \*Sangband huraantn. ǀ N`kpa mi weleen? Hɛe-n nɛɛwa! Mug-n tintina hɔm! Bɔ neer

neerɛɸm bee, bɔ door boga tiɸan bee, bɔ yarwa bee, daba bɔ go n taa bee, bɔ ba nabii bee, bɔ ba nɔmvuurɸu bee, bɔ nyi daam ka kuu bee, bɔ su nidba bee, bɔ baaw bee, welee tiibee mɛmbee nan kpa sofda bɔ kaalant Sangband huraantn. <sup>11</sup> N`gidgu nn da ba nii. Gwentafaa, n t`Berm Yeesu Krista hidrn, l`higra n`fubɛhii, Sangband t bant-n na d`reba, n`kit hɔmba ka tagaa n d`\*Vohoom.

#### Lɔgm v`gbanu ka nyɔka Sangband!

<sup>12</sup> N`bɔhɔɔ nyen na l`sira huru na n`hɛm n`reb fir. L`ba welee biilm, gwentafaa, l`mɛngu kpa tɔra. L`sira huru na mɔ hɛm bii man fir bii. Gwentafaa, mɔ kpaɸ mɔ saa mayen na bii mad-ma. <sup>13</sup> N`ta bɔhɔɔ na l`ree diit raawt kaa, n ta ree raawt diit kaa. L`ba welee biilm, diit laa raawt, Sangband nan kpa l`mɛngu. Nida gbanu lee, l`ba ree-fu na hɔ hɛm-fu n neerɛɸm. L`ree-fu na hɔ hɛm-fu n Berma nɛɛɛgb, Berma heɸ-fu. <sup>14</sup> ǀ N`kpa mi na Sangband da himii Bermwu kuumn? Ta welee nii dn nan ta himaa-t kuumn ka tagaa n d`gemnt.

<sup>15</sup> N`ba na Krista gbanu huli, ǀ n`kpa mi weleen? ǀ N`ni hii ba hɔ bee hɔ badg hayen hɔ kitg yaruuta huliiga kiiga? Hɔai, felah! <sup>16</sup> Ka v`n yaruut n`lagl, ǀ l`kpa weraa na n`hera nidyena? Wo ln hɔd \*Wadbuudgan ka bɔhɔɔ na ka nidba barehba t lagl, *barehdrbee bewlg nid hayen*. <sup>17</sup> Lee, hɔ lagl n Berm n hɔ kwɛɛwr wii ta hɛna nidyena wu n wun. <sup>18</sup> Tii lee, kir-n yaruub kpaalaa! Yaruub hawla nida gbanu. Fubɛɸvolii han hɛna hii menhii kpa tarwa hɔ gbanu. <sup>19</sup> N`gbani ba na \*Vohoom Buudm haarn. Sangband lo welee Vohoomii n`ni. Gwɛgwɛɸmina, n`mɔmba n`ta kpa heɸ nyen, ǀ laa n`kpa mi welee le? <sup>20</sup> Biilm, l`faadra n`hɛn n dafm n`juuni. Tii lee, lɔg-n n`gbani n`nyɔkm Sangband!

#### FɔɔLA LEEDA KɔRɛɛNT TIIBA GWɛɛT JUGU JUGU BAN DA GBAAM-WU TII JUGUN

#### Yaala gwɛɛt

**7** <sup>1</sup> Gwɛɸma, mɔ nɛɛtgn wadga nn da hoorn-ma kee gwɛɛt jugun. N`bɔhɔɔ na l`ba hɔm na daawa daa tarm fɔga. <sup>2</sup> L`ba welee biilm. Gwentafaa, wo neerɛɸm nn fodg lee, l`ba hɔm na

Krl

daaw baaben tia bɛm n há fɔga, fɔg baaben tia ba n hà sida. <sup>3</sup> Lee, l' kpaɸ na daawa mantg há fɔgwu hà gbanu, l' ta kpaɸ na fɔga mantg há sidwu hà gbanu. <sup>4</sup> Fɔga gbanu nn ba lee, lag wii hefl n fun, há sida refun. Daawa gbanu nn ta ba lee, lag wii hefl n fun, hà fɔga refun. <sup>5</sup> Ka welee, bá daa kirm taa n bá gbani ka l' kpaɸ ba na bà fomra n taa na bà seen goora halanfa l' bu. Lee, seenj n b' kaan, bá nmetg taa man, ka bo na \*Saatana daa way n welee hà taruu-ba. <sup>6</sup> Lee, mà sahl-n diilanhena, mà kpaɸ mad hiiwu n kwɛgdi.

<sup>7</sup> Man bagm na n' mɛmbee n' bɛm wo man ba lee, gwɛntaɸaa, baawena sohdg Sangband man há hɔmgɔ. Volwu kunah', volwu kunah'. <sup>8</sup> Dahɛntiiba n kunfɔgɔba lee, mà bɔhɔɔ na l' ba hɔm na bá bɛm bayen wo man ba lee. <sup>9</sup> Gwɛntaɸaa, ka l' ba na hii kpaɸ hà bee hà mad hayenii, l' ba hɔm na hà yal laa hà lɔg fɔga n fan ba hà kad l' kpaɸ lelɛa-wu lee.

<sup>10</sup> Gwelɸa, nen, nen yal taa nen, mà sahl-n wadndina, Berma redn. Dii nnii na l' kpaɸ na fɔga vidg hà sida. <sup>11</sup> Ka fɔga t vidg hà sida, l' ba na hà kpat hà bɛm hayen laa hà nmetg hà sida man bà ku taa n gwɛɛt. L' saa daaw lee, l' kpaɸ na há vo há fɔga.

<sup>12</sup> Volbee ret lee, lag Berma wadn. Man bɔhɔɔ na ka l' ba na Krista tiihii ba n fɔg há kpaɸ na Krista tia, fɔgwii t sɔkl na bá bɛm taa manii, há daa voo-wu! <sup>13</sup> Ka l' ba na Krista tiihii yala há sida kpaɸ na Krista tia, daawwii t sɔkl na bá bɛm taa manii, há daa vidg-wu! <sup>14</sup> L' kɔtɔd na daaw há kpaɸ na Krista tiiwii kita Sangband refa há fɔga kaa, l' saa fɔg há kpaɸ na Krista tiiwii kita Sangband refa há sida kaa. Ka ln kpaɸm welee, bá bii nn ba na Sangband rei lee, hin ba hi bɛm yem rei. <sup>15</sup> Ka l' dan n hɛm na há kpaɸ na Krista tiiwii saag n hayen, l' ba na Krista tiiwii saa hà ked. Tiit ta kpaɸ bà huuga. Sangband hoh-n na n' neer nigii gun. <sup>16</sup> Fɔg ven ba na Krista tii ven, diila na ba v' dah v' sida jugu. Gwɛntaɸ, ¿ l' ba l' bee l' hea? Daaw ven ba na Krista tii ven, diila na ba v' dah v' fɔga jugu. Gwɛntaɸ, ¿ l' ba l' bee l' hea?

### Baaben tia kpat hà bɛm beeb Sangband nn da hoh-wu hà ba b' ni biin

<sup>17</sup> Ln la ba welee lee, mà bɔhɔɔ-n na baaben tia kpat hà mam beeb biib Sangband nn da hoh-wu na há kitg d' buga hà ba b' ni biin. Welee bafilbii nnii man lintgaa kpaturhii mɛmɛnhiin ka faa.

<sup>18</sup> Ka Sangband t hoh hii bá \*bɔtg wii, há daa la fohm hayen! Mina d' hoh hii bá ba bɔtg wii, há daa la saa bà bɔtg-wu! <sup>19</sup> Mig bà bɔtg-v laa bà ba bɔtg-v, lag bii nnii. B' ba daft bii nnii Sangband gwɛɛt valgm. <sup>20</sup> Lee, baaben tia kpat hà mam beeb ln da hoh-wu hà ba b' ni biin! <sup>21</sup> Ka l' da hoh-v v' ba na yuuma, daa la diilgm tiit! Gwɛntaɸaa, ka l' si-v huru na v' kitg hii há ba hayen hà bolmɛn wii, way n welee! <sup>22</sup> ¿ Yuum Berm Yeesua nn hoh wii kpaɸ ba hayen hà bolmɛn há kaa? ¿ L' saa há ba hayen hà bolmɛn wii kpaɸ ba na Krista yuumn? <sup>23</sup> Mig, l' hoh-v v' ba yuum laa, l' hoh-v v' ba vyen v' bolmɛn, l' faadra n' mɛmɛmbee n' hɛn n dahm n' juuni. Lee, daa kitg-n nidba yuummba! <sup>24</sup> Teelba-n, kpat-n nan n' mam Sangband nɔngan wo dn hoh-n n' ba lee!

### Bá ba he yaala bee gwɛɛt

<sup>25</sup> Gwɛɸɸa, bii b' hɛl biirii hí ban miig daaw laa kulii hí ban ta miig fɔg hii lee, mà ba sohdg wad diir Berma do. Maa tɔɔ-n mà diila na n' sohdg-fa wo l' biir na Berma nn hɛna hiiwu hɔmgɔ há ka bɔhɔɔ gwɛɛt bà tia t' hɛn lee. <sup>26</sup> Man bagm na baaben tia kpat hà mam wo fan ba lee l' baɸr n goona kunyɔɸu kaa. <sup>27</sup> Ka l' mir bá bag-v bɛɛra, daa kir-wu! Ka bà ban bag, daa haar! <sup>28</sup> Gwɛntaɸaa, ka v' lɔg fɔga, lag fubɛɸgan. Ka v' ta yal, lag ta fubɛɸgan. Goona yaala tiiba nn ba lee, baa bà di kunyɔɸu bá neermn. Mà bɔhɔɔ-n welee gwɛɛtii ka sug na n' daa ta lɔɔ welee kunyɔɸuun.

<sup>29</sup> Teelba-n, goora ba jah! Mà bɔhɔɔ-n na há ba n fɔg wii bɛm wo hà kpaɸ n hii. <sup>30</sup> Hii há mɔɔ wii bɛm wo hà kpaɸ mɔɔ. Lee, hii há nyaaga wii bɛm wo hà kpaɸ nyaaga. Hii há dah wii bɛm wo hà kpaɸ n bii. <sup>31</sup> L' saa, há wayaa n tantntina hɛn want wii ta bɛm wo hà kpaɸ wayaa-t n bii. Tantntina mɔmt wo tn ba lee, t' kedaa difm. <sup>32-34</sup> Tii nnii man bɔhɔɔ-n na hii daa diilgm bii jugun! Lee, mà yul na hii há ba n fɔg wii neera ka diila tantntina hɛn want jugun ka bag na hà bɛm hà fɔgwu loogu. L' ka dud-wu rena n rena. L' ba na hii há kpaɸ n fɔg wii neera ka diila Berma nmetg jugun ka bag na hà bɛm Bermwu loogu. Ta welee nnii biiriiga ká ban miig daaw laa fɔg há kpaɸ n sid wii nn neer ka diila Berma nmetg jugun ka bag na há hɛb n hà diila weriim na wii nnii Berma refa. Lee, hii há yal wii neera ka diila tantntina hɛn want jugun ka bag na hà bɛm há sidwu loogu.

Krl

<sup>35</sup> M̀a bɔhɔɔ-n welee na l' bɛm-n n hɔm, lag kutukɔa nnii man foor-n. M̀a bagl na n` neer neerhɔmm ka nawla nyenwu n Berma, wii n jaf'.

### Yaala jugun govont

<sup>36</sup> Ka l' ba na sahii nyana na l' fadra h̀a man h́a ka ba he h́a n̄mɛɛgb wo ln gbaama lee, h́a bɛera t berr̄ n yat laa ben, l' ba na h̀a he bii b` magr bii. Lee, ka h́a yalgr h́a bɛera, h̀a ba kohl kan bii. B́a log taa!

<sup>37</sup> Ka hii t ta hiluu n yum na h́a bɛera kpat h̀a man, l' ba na l` ren h̀a mɔma h́a ni hii kpa a hɛfr-wu n kwɛgdi na h̀a he welee, l' ba hɔm. <sup>38</sup> Lee, h́a yalgra h́a bɛer wii hɛna hɔm. Gwentahaa, h́a ba yalgr h̀a reh̄a wii hera hɔm n yat<sup>Z</sup>.

### Kunfɔgb̄a gwɛɛt

<sup>39</sup> Lee, m̀a gokaawrgu nnii na fɔga nn yɔl lee, n ka nawr n h́a sid h́a neermii m̄nm̄ii. Ka l' dan n h̄em na h́a sida bɔdan, kunfɔgwii ba h̀a bee h̀a yal faaa. Gwentahaa, l' ba na l' bɛm na Krista tia. <sup>40</sup> Lee, ka kunfɔgwii t kpat n ka ba hayen wo man diila lee, han bɛm hɔm. M̀a hiluu n yum na m̀a ta ba n Sangband \*Vofoom.

### Fɔla leeda vidnamt gwɛɛt jugun

**8** <sup>1</sup> Tn tɔtg-n nan gwelɔa vidnamt gwɛɛt jugun! T` miil hɔm na t` m̄m̄bee t` ba n rarm. Rarm lee, mii hɛna nida t ka fuuraa hayen, l' ba na soklb bii m̄ohl kpaturu. <sup>2</sup> Ka hii bɔhɔɔ na h̀a miil bii, l' weraa na h̀a ban miig wo ln gbaama lee. <sup>3</sup> Lee, h́a sokla Sangband wii, Sangband t ka ta mii-wu. <sup>4</sup> Bii b` h̄el vidnamt gwɛɛt, n` gbaam na ɔ l' ba hɔm na Krista tiiba jum-t laa? Lee, t` miil na boga kpa h̄ rii, na Sangband dyend n jaf̄ beeln. <sup>5</sup> Biilm, nidba logl want kɔd sangbambiimn laa tant jugun ka hoh̄ na b́a Sangband, l' geewa wo bermba ba baliiba. <sup>6</sup> L' ba na Krista tiiba ten, Sangband dyend beeln. Dii nnii Sa. Wii ree want m̄ent. Wii jugun nnii tn neer. Berm hayen̄a ta beeln. Wii nnii Yeesu Krista. L' tag n wii h̄en n ree want m̄ent. Wii kaa nnii tn neer.

**7.36-38.** Biiba huma na l' kpa a h̄el sawu n h̀a bɛera, na l' h̄ela kwɛɛlh̄iiwu n h̀a tuurɔa.

<sup>7</sup> Welee rarmii, hn la jana, biiba la ba miig-m. B́a gidgu kpat n ka diila na ban ju vidnamt lee, na b́a la doora tiini n boga l' kwɛen. Wo ban kpa a mi bii b` ba hɔm n b` kpa h̄ hɔm bii lee, b́a ka yu na l' hawla-ba. <sup>8</sup> L' ba na diit tiit nnii t` kpa a nyɔhla-t n Sangband. Mig diira vidnamt laa, ba dii-tii, l' kpa a hewla-v bii, l' ta kpa a gwifda-v kan bii. <sup>9</sup> H̄ee-n nan hɔm na nyen n` bolmrn beeb daa saa na b́a gwɛɛt h̄en tiim kpa a haf̄r bee lor! <sup>10</sup> Lee, ka l' ba na ven, ven bɔhɔɔ na ba n rarm ven, hadgm tiifhii t nyaan v` kad bugnɔnga noon ka heewr n namt n soorb ɔ welee tiiwii, l' kpa h̄ l' ta he na h̀a di vidnamt? <sup>11</sup> Welee de ɔ h́a ba lor nnii l' bah̄r n v` miib kaa? ɔ Lag v` teeln? ɔ Krista ta ba kpi h́a kaa? <sup>12</sup> Ka l' ba na ven, ven kɔkma na ba rarm ven, v` hɛna v` teel h́a ba miig bii b` ba hɔm n b` kpa h̄ hɔm bii wii lotra, miim na hera Kristwu n fubɛhga! <sup>13</sup> Tii lee, ka l' ba na diit beel t` he na m̀a teela lor, ka welee, m̀a nan kpa h̄ m̀a di namgu felaf̄'.

### ɔ Fɔla faa lan Gohɔmtii?

**9** <sup>1</sup> ɔ M̀a kpa a ba mayen m̀a bolmrn? ɔ Lag man nnii \*tumtn? ɔ M̀a ba nyaan t` Berm Yeesuwu n m̀a nɔmbn? Laa ɔ lag nen nnii Saberma n̄m̄ɛɛgb man her bii roona? <sup>2</sup> Ka nidjeenba kpa a log-ma na tumta, ɔ l' ta lagiim n nii meh? Wo nn tii Berma h̄en lee, ɔ l' kpa a weraa na man nnii h́a tumta? <sup>3</sup> Maa m̀a teew mayen m̀a hoodr n b́a tula-ma hoogu bee. <sup>4</sup> Tumtba ten, ɔ l' ba si huru na t` jum ka nyi t` n̄m̄ɛɛgb kaa? <sup>5</sup> Ka t` ked huru, ɔ l' ba si huru na t` ked n t` fɔgb̄a? ɔ Tumtvolba kpa a hɛna weleen?, wo Berma teelba n ta Fetra. <sup>6</sup> ɔ L' ba na m̀a n Barnabaas n jaf̄ t` ba t` giid ka bag t` noon diit?

<sup>7</sup> Biir-n-ma! ɔ Tawdwen ba riikan ka hɛna h́a n̄m̄ɛɛgb b́a kpa a kiig h́a juguni? ɔ Wen hoow \*daam tibit ka kpa h̄ h̀a l̄em kan bii? ɔ Wen kiima naagi kodiir ka kpa a wayaa n h́i beheemii? <sup>8</sup> M̀a gwɛɛlb man gwɛɛl bii, lag nidba neermn gwɛɛt n jaf̄n man log ka hɛna n n̄m̄ɛɛgb. ɔ \*Bah̄lb m̄omb ta kpa a bɔhɔɔ weleen? <sup>9</sup> Biilm, Mohiisa bah̄lb bɔhɔɔ na: *Daa fiid naagb noor b` wen tora-v kpa m̄ n̄m̄ɛgt!* Ka l' biir welee de, ɔ l' weraa na Sangband kuuma n naagin? <sup>10</sup> D` bɔhɔɔ welee, ɔ l' ta kpa a h̄el tenn? M̀a mi na nidba ten nnii dn gwɛɛla ka h̄el, ɔ laa bee? Kpamb kpaada nn ba lee, h̀a kool n ka daag. H́a gbu dikaf̄h̄ wii gbul ka daag na h̀a ba h̀a way kan bii.

<sup>11</sup> Lee, tii bodra n` ni want \*Vofoom Buudm nn tag n m̀a h̄en n safm-n tii. Ka t` gbaama-n na n` tɔrg-t n n` want na t` neer, ɔ gwɛɛt

Krl

nii? <sup>12</sup> Ka biiba weraa-n bá gemmnt ka wayaa n nn, ɔ̄ tiin kpaɸ t` wayiim n nn l`yata? L`sira-t huru na t`wayiim. Gwentafaa, ten kirn. Tii kaa nii tn kiig t`mɔmba t`jugun na t`daa lakl Krista Gohɔmt tn faa tii.

<sup>13</sup> ɔ̄ N`kpaɸ mi na bá hɛna ɸmɛɛɔ̄b \*Sangband haarn bee wayaa n want ban saɸ tii? L`saa, ɔ̄ juuga tia ta kpaɸ wayaa n há juuga namgu? <sup>14</sup> Ta welee nii Berma nn ta bed na há faa Gohɔmt wii ba há ta neer n há ɸmɛɛɔ̄bii<sup>z</sup>. <sup>15</sup> Man lee, maa ba way kan bii felaf!. Lee, gwɛɛt man hoor-n tii, lag na mà hɛɛɸa kan fat tiit. Má ka diila wo l`ba hɔm na mà kpi n hii nn ba há ree-ma welee lamɛɛguu lee. <sup>16</sup> Lee, l`kpaɸ saɸ-ma huru na mà nyɔkm mayen Krista Gohɔmt faam kaa. Bii nii ln nyaglg-ma nyagluɸ!. Lee, ka mà kpat n ka kpaɸ faa Gohɔmtii, bɛɸgu lor nan mà hɛn. <sup>17</sup> Ka man kad n hɛm diila na mà hɛm welee ɸmɛɛɔ̄bii, man ba mà bee mà gbaam na bà faadm-ma. Ka l`ba na l`nyaglg-ma-b nyagluɸ má ka hɛna bii ln gbaama na mà he bii, <sup>18</sup> lee wen ɔ̄ mà fat nii bɛ? Tii nii na mà faam nidba Gohɔmt yem. Mà faa-t ka kpaɸ gbaama bii ln ba na bà faam-t ka soɸda bii.

<sup>19</sup> Man ba lee, mà ba mayen mà bolmrn. Gwentafaa, mà kita baaben tia yuuma ka sug na mà daruu nidba wo man ba mà bee lee. <sup>20</sup> Mà wen ba \*Yuudaa tiiba man, má logm mayen wo Yuudaa tii na mà daruu Yuudaa tiiba n Krista weenn. Bà neera Mohiisa \*baɸlb gemmnt kwɛɛn, má ka ta neer bà dela ka sug na mà dar-ba. Gwentafaa, mà kpaɸ ba baɸlbii gemmnt kwɛɛn. <sup>21</sup> Ta welee nii ka mà ta ba bá kpaɸ baɸlb kwɛɛn bee man, má ka ta neer wo bá ni hii, ka sug na mà daruu-ba. Ka mà hɛna welee, l`kpaɸ weraa na mà kpaɸ Sangband baɸlb kwɛɛn, yanta mà neera Krista baɸlb kwɛɛn. <sup>22</sup> Ka mà ba bá ba hadgm gwɛɛt hɛn tiimn bee man, má kit wo bá ni hii, ka sug na mà daruu-ba. Mà to mayenwu nidbee mɛmɛmbɛe n ka neer wo ban ba lee na mà daɸ bá ni biiba juuni. <sup>23</sup> Mà hɛna welee mɛngu na Krista Gohɔmt yadg ka sug na maa ta yuunɸ mà kaalɸa kegt Gohɔmtii nn saɸ tiin.

<sup>24</sup> Kili tiiba nn sol banun lee, bà sol bá mɛmbɛe l`ba na hayenɸa n jaɸ beel há di jugun. ɔ̄ N`kpaɸ mi weleen? Ta solm-n welee na n` di jugun! <sup>25</sup> Bá mɛmbɛe, bà hɔgaa want kɔd na bà bee bà soɸdg jugun deb degrga. L`ba na jugun deb degrga ban soɸda kee kpaɸ hila kɔɸlb. Ten lee, tii baɸl degrga ká nan kpaɸ kɔɸla felaf kee.

9.14 Nyaan Matewa 10.10, n ta Lukaasa 10.7.

<sup>26</sup> Tii nii, ka mà sol, mà kpaɸ sol joomr. Ka mà tooda kutafɔɸu, mà kpaɸ tooda hamn. <sup>27</sup> Man lee, mà mada mayen hɔm ka kpaɸ saa na mà hɛm mà gbanu nn sokla bii ka sug na man, man faa gohɔmt man, l`daa he l`bɛm na mà kpaɸ tɔn.

### Fɔɔla tɔɔ tɔniib n Yisraheel tiiba nn da ba kpaɸkpaɸgun lee

**10** <sup>1</sup> Teelba-n, deedg-n b`da getg t`yandaba jugun ban da ror \*Hɛjift tantn bii hɛn! Bá mɛmbɛe nn da ror lee, wadr diir da leegra bà jugun ka heɸla-ba. Bá mɛmbɛe da mɛwdg nyaam. <sup>2</sup> Wadrɸ ɸmɛɛɔ̄bii n nyaam mɛwdgmii bidg wo bà hoda-ba l`hewl bá mɛmbɛe \*Mohiisa hɛn. <sup>3</sup> L`hɛm hoolgu bá mɛmbɛe t jum diyent. <sup>4</sup> L`ta hɛm hoolgu bá mɛmbɛe t nyim nyaalyenm. Nyaalm ban da nyir mii da rɛna fiigun. L`ba na fiiguu da ta heɸla-ba. Kuu nii Krista mɔma. <sup>5</sup> Ban da la dir n nyim bá mɛmbɛe lee, bá ni kɔdgu mɔmgu t ka ba he Sangband loogu. Tii kaa nii ban da kpiɸ kpaɸkpaɸgun.

<sup>6</sup> Welee hera na l`to-t tɔniib ka sug na t`diila daa kuliim hɛbbɛɸb jugun wo t`yandabee nn da her lee. <sup>7</sup> Lee, daa door-n boga tiɸan wo bá ni biiba nn da her lee! \*Wadbuudga kɛema welee na *tigr kad na d`di d`nyi*. Lee n kaann, nidba t vid n jib bina hamt. <sup>8</sup> Tn daa neer-n neerɛɸm wo bá ni biiba nn da neer lee! Ban da her nii nidba ruuni kwɛɛɸɸ n hitaɸi t kuum goyend. <sup>9</sup> Tn daa bagm-n Kristwu n gwɛɛt wo bá ni biiba nn da her lee! Ban da her nii waagi t nyaɸm-ba bá kpiidr. <sup>10</sup> Daa nyeerm-n wo bá ni biiba nn da her lee! Ban da her nii Sangband t tamn d`\*tumta t kuum-ba. <sup>11</sup> Welee gwɛɛtii mentii da getg t`yandaba jugun na l`to-t tɔniib. Bà hɔda-t ten, ten ba tant diɸm vuugun ten, na l`werii-t rarm. <sup>12</sup> Tii kaa nii hii há diila na há jɸfra faaga wii he hɔm na há daa lor. <sup>13</sup> Tarmb daan n`jugun wo ln mana ka tarma nidba mɛmba lee. Gwentafaa, Sangband bɔɸɔɔ d`gwɛɛt n ka mad-t. D`kpaɸ kee d`saa na l`tarm-n l`yalg. Ln kee l`tarm-n lee, Sangband werii-n huru na n`riir tarmbii noon. Welee lee, l`si-n kwɛɛwdeb.

### L`kpaɸ na Korɛnt tiiba ked boga kowt man

<sup>14</sup> Mà teelhɔmba-n, man bo na mà fɛlg boga gwɛɛtii ka bɔɸɔɔ na n`kir há tiɸa doorm kpaalaa. <sup>15</sup> Mà gwɛɛla n nn wo l`gwɛɛla n nidmɔmba. N`mɔmba, gwɛɛt man bɔɸɔɔ-n tii, jaɸuu-n-t n`fiiluu! <sup>16</sup> Kpowdga tn log n seerɸ Sangband na d`hera ɸmɛɛɔ̄b n nyim kee,

KrI



ɔ̀ kà kpaaweraa na t`n Krist t`laglg n jiiim han sool t`kaa mii kaa? Kroonu tn log n gbehm taa fuu, ɔ̀ hù ta kpaaweraa na t`n Krist t`laglg n há gbanu han vidr t`kaa fuu kaa?<sup>17</sup> Kpoonhuu ba huyen. Wo tn la ba nidba kod ka juu-fuu lee, l`weraa na t`mẽmbee t`hera nidbilma. <sup>18</sup> Geedg-n n`nyaan \*Yisraheel tiiba! Bá ju \*Sangband haarn \*vit dahŋa namt bee, ɔ̀ l`kpaaweraa na bá n Sangband l`laglg? <sup>19</sup> Ka mà bõhõõ welee de, ɔ̀ mà bo na mà biir na vidnamt ba daht tiitn? laa ɔ̀ boga ba ta daht tiitn? Haa! Lag welee. <sup>20</sup> Mà bo na mà biir na bá kpaaweraa seenja Sangband n ka hena vit bee, *bà kpaaweraa-t Sangband. Kunidba nnii ban hena*. Welee kaa, mà ka kpaaweraa na n`n kunidba n`laglgm. <sup>21</sup> L`kpaaweraa na n`nyim Berma kpowdgan ka ta nyi kunidba rekan. L`ta kpaaweraa na n`jum Berma diit ka ta ju kunidba ret. <sup>22</sup> ɔ̀ Laa n`bo na t`vii Berma fuula lee? ɔ̀ T`ba n gemmnt ka yata-wun?

### Hem-n l`mɛnguu na l`jeenlm Sangband!

<sup>23</sup> N`bõhõõ nyen na l`sira huru na n`hem n`reb fir. L`ba welee biilm gwentaŋaa, l`mɛmɛnguu kpaaweraa tɔra. L`sira huru na n`hem n`reb fir. Gwentaŋaa l`mɛmɛnguu kpaaweraa mõh kpaturu. <sup>24</sup> Lee, hii daa bagm hayen há hõmgun jaŋ! Há ta bagm volba reku! <sup>25</sup> N`ba n`bee n`dahm namt yakun ka kpaaweraa gbaama tiit ka ju n`sõklbn. <sup>26</sup> Biilm, l`hõda na *Saberma hehl n tant n bii b`ba t`jugun bii membii*. <sup>27</sup> Ka hii há kpaaweraa seenja Sangband wii t`hõh-v haa, ka v`ba v`san v`san. Ka hà jehlg-v diit v`dii-t v`sõklbn ka kpaaweraa gbaama tiit. <sup>28</sup> Ka l`he wo hii biir-v na namtii ba na vidnamtn, v`kir-t há bed welee wii kaa ka sug na l`daa hamtr hii rarm. <sup>29</sup> Mà kpaaweraa bõhõõ na vii rarm, mà bõhõõ há bed-v welee wii rem. Lee, mà ba mayen mà bolmrn. ɔ̀ Ben kaa nnii man ba mà saa na mayen mà bolmrn beeb hamtr hii rarm? <sup>30</sup> Ka mà ju diit, mà seenja Sangband na dii herá h̄mɛɛgb. ɔ̀ Ben kaa nnii hii nn ba hà yaa-ma n yaagu bii man seenj b`hen bii kaa? <sup>31</sup> Tii lee, mig n`juln laa n`nyiln laa bii jeenb nn hena bii mɛmbii, hem-n l`mɛnguu na l`jeenlm Sangband! <sup>32</sup> N`beeb daa saa na \*Yuudaa tii laa \*há kpaaweraa na Yuudaa tii laa Sangband kpaturun tiifii lor! <sup>33</sup> Lee, togiim-n n man! Maa hena l`mɛmɛnguu ka bag na

<sup>10.16</sup> Nyaan Matewa 26.26-28, n Markuusa 14.22-24, n ta Lukaasa 22.19-20.

<sup>10.26</sup> Gwɛɛtii ba Yum24<sup>9an</sup>.1.

mà beeb magr n nidba mɛmba. Mà kpaaweraa bag mayen mà hõmgun. Nidba kod reku nnii man bag ka sug na l`dah bá juuni.

**11** <sup>1</sup> Wo man toɔaa Krist lee, ta togiim-n n man!

### KPATURUN NEERM

#### Nida beeb Berma nongan

<sup>2</sup> Mà jahra-n na n`la deera mà hen kutuuu ka mad kowt man da sohdg n to-n tii. <sup>3</sup> Gwentaŋaa, man bo na mà saa na n`miig tintina na daawa berm nnii Krista, fõga berm nnii daawa, l`saa Kristwii berm nnii Sangband. <sup>4</sup> Ka daawhii seenja laa hà bõhõõ Sangband noon gwɛɛt ka ligr bii hà jugun, hà hõhla hà bermwu n tiŋa. <sup>5</sup> Ta welee nnii ka fõghii seenja laa hà bõhõõ Sangband noon gwɛɛt ka kpaaweraa gbenr hà jugu, hà hõhla hà bermwu n tiŋa. Lee wen há ka boo hà ba jukoor. <sup>6</sup> L`ba na ka hà kpaaweraa bag na hà gbenr há jugu, há saa hà koo-ku. Ka hà yu na hà ba hà wad hà jii laa ka hà koo há jugu kpaalaa l`bem jiwfi, há gbenr-ku nan. <sup>7</sup> Daawa nn ba lee, l`kpaaweraa hõm na hà gbenr há jugu há wen seenja laa há wen bõhõõ Sangband noon gwɛɛt, l`kõdõd na wii tona Sangband. Wii ta rea d`beeb ka weraa. Fõg lee, wii rea daawa beeb ka weraa. <sup>8</sup> Biilm, l`ba mɛh daawwu fõga ni. Fõg nnii ln mɛhr daawa ni. <sup>9</sup> Lag daaw nnii ln mɛhr fõga kaa, fõg nnii ln mɛhr daawa kaa. <sup>10</sup> Tii kaa nnii ln ba na fõga lõõm há jugun waaru huufu hù weraa bermt han ba t`kwɛɛn tii. Há ta hem welee \*sangbantumbaa kaa. <sup>11</sup> Berma nongan ka daawa kpaaweraa, fõga ta kpaaweraa. Ka fõga kpaaweraa, daawa ta kpaaweraa. <sup>12</sup> Biilm, l`ree fõgwu daawa ni, gwentaŋaa, fõga maada daawa. L`saa l`mɛnguu rɛna Sangband man.

<sup>13</sup> N`mõmba jahuu-n gwɛɛtii n`nyaan! ɔ̀ L`ba hõm welee na fõga seeh̄m Sangband ka kpaaweraa gbenr hà jugu? <sup>14</sup> H̄iluu-n n`nyaan ln mɛhr-t lea! ɔ̀ L`kpaaweraa jiwfi na daawa bem n jivõgii? <sup>15</sup> Fõg lee, ɔ̀ jivõgii kpaaweraa jeenla-wu? L`sira-wu welee kateegna tagrn. <sup>16</sup> Ka hii bag na hà biir tiit t`rota n tyen n tn bed tii, há miim na Sangband kpaturi kowt nnii. Tii nnii tn mad.

<sup>11.5</sup> Korɛnt, bà da kool fõga jugu na bà tigl-wu jiwfi.

KrI

## Berma diit

<sup>17</sup> Gwelɲa, bii b`hel tinaf lee, mà kpaɲ mà jafr-n felaɲ'. Biilm, n`wen kpogla taa, n`kpaɲ hɛna bii na l`torg-n. N`helaa ka gwɛda n kwɛɛn. <sup>18</sup> Nooga saɲ, n`wen kpogla taa, raarb t jib n`huuga. Bà beda-ma welee má ka diila na t`gidgu ba gobiint. <sup>19</sup> Biilm, ka raarb kpaɲ n`huuga, ɔ̀ bà he lan bà nyaan nan bá mad Sangband gwɛɛt l`bu bee? <sup>20</sup> N`wen kpogla taa na n`di Berma diit, lag tii nnii nn ju. <sup>21</sup> Baawena kpidwa ka ju hayen hà diit. Vola kad n kɔm, vola t nyi n kuum. ɔ̀ Ban juu-t nnii? <sup>22</sup> ɔ̀ N`kpaɲ n haya na n`jum ka nyin? ɔ̀ N`kpaɲ nima Sangband kpaturi nnii? ɔ̀ N`bagl na n`tigli kunyɔɲtiiba jiwɲin? ɔ̀ N`bo na mà biir-n tet? Tintii kaa, ɔ̀ mà jafr-n laa? Haa! Mà kpaɲ mà jafr-n felaɲ'.

<sup>23</sup> Mà bɔɲɔɲ na waa, kowt man da soɲdg Berma man n to-n tii waa, ɔ̀ bà da hɛna-t laa? Nyingu ban da rɛɛr Berm Yeesuwu kuu, hà da logra kpoonu <sup>24</sup> n seenj Sangband na dii hera ɲmɛɛgɔ̀b n gbɛhm-fu n bɔɲɔɲ na *binbii nnii há gbanu In tɔɔ-t huu na t`hem welee ka deer hà hɛn*. <sup>25</sup> Diit deb kaann, há ta logm kpowdga n daam n ta hem yenmii n bɔɲɔɲ na *kpowdgankena ba na Sangband \*tuurnkwɛɛntn. D`tag n hà jiim n lo-t. Na t`wen ba t`nyim-ka, t`hem welee ka deeda hà hɛn*<sup>2</sup>. <sup>26</sup> Tii lee, n`wen ju kpoonhuu ka nyi kpowdgee, Berma kuum nnii nn faa kakeɲnan hà ɲmetgɲm.

<sup>27</sup> Tii kaa nnii, hii hà ju Berma kpoonu ka nyi há kpowdga ka ba mag wii, hà tula hayen hoogu Berma gbanu n hà jiim l`kaa. <sup>28</sup> Welee kaa, ka hii bag na há di kpoonhuu, hà nyi kpowdgee, há nyilg hayen hɔm saɲ', ka bo na hà bee hà di hà nyi. <sup>29</sup> Há ju ka kpaɲ mi na Kristn wii, hà diira hà nifi n fi kaann. <sup>30</sup> Welee kaa nnii bɛɲtiiba, n hajamma kɔd nn ba n`huuga. L`saa volba t kpiidr. <sup>31</sup> Ka t`nyila tyen hɔm saɲ, yaagu nan kpaɲ luur t`jugun. <sup>32</sup> Berm lee, wii yaa-t n yaagu na l`maantr-t, ka bo na l`daa nan dar t`toɲr t`n bá kpaɲ door-wu tinjan bee.

<sup>33</sup> Lee, mà teelba-n, mà bo na mà biir-n na ka n`kpogl taa na n`di Berma diit, hɔdg-n taa! <sup>34</sup> Ka kɔm mad hii, há di haa ka bo na n`wen kpogla taa, Sangband yaagu daa lor n`jugun. Govontii lee, mà daa nan ɲmetgna, mà nyaan t`ret.

**11.24-25** Gwɛɛtɲi ba Matewa 26.26-29, n Markuusa 14.22-25, n ta Lukaasa 22.15-20.

## Voɲoom Buudm hɔmgu mn saɲ kuu n kù ɲmɛɛgt

**12** <sup>1</sup> Gwelɲa, teelba-n, bii b`hel \*Voɲoom Buudm hɔmgu jugun bii, man kpaɲ n bag na n`bɛm nyeetn. <sup>2</sup> N`wen da kpaɲ seenja Sangband lee, l`ka hɛfr-n n boga wee, hà mad-n hà gemmɲt kwɛɛn, l`ba na hà kpaɲ hà bee hà gwɛɛl. <sup>3</sup> Gwelɲa, mà bagl na n`miim bii byenb. Ka hii gwɛɛla n Sangband Voɲoom Buudm, hà kpaɲ hà bee hà gwɛɛl Yeesua kaa nobɛfr. Hii ta kpaɲ hà bee hà biir na «Yeesu nnii Berma» ka Voɲoom Buudm kpaɲ kpaɲaa-wu.

<sup>4</sup> Biilm, Voɲoom hɔmgu ba jugu jugu, l`ba na Voɲooyenmii saɲln. <sup>5</sup> ɲmɛɛgi ba jugu jugu, l`ba na Bermyenwii ɲmɛɛgɔ̀bn. <sup>6</sup> ɲmɛɛhɛb ba jugu jugu, l`ba na Sangband dyend hɛna welee baawena ni. <sup>7</sup> Voɲoom saɲl baaben tiiwu hɔmgu na há tɔrgm baawena. <sup>8-11</sup> M`saɲl vol na hà gwɛɛlm rarm gwɛɛt, vol na há bɛm n miib. Voɲoomii ba yenm ka weraa vol na há ɲmɛɛhɛb weriim na hà gwɛɛt hɛn tiim hafrn, vol na hà taadm bɛɲtiiba, vol na há hɛm hoolgu hɛb, vol na hà bɔɲɔɲm Sangband noon gwɛɛt, vol na hà miigim bii b`ren Voɲoom Buudm bii, vol na há gwɛɛlm lamsaanm, vol na há reem lamsaanm kɔtɔd. Voɲooyenmii hɛna welee mɛnguu baaben tia ni. Mii raara nidba m`hɔmgu jugu jugu wo mn sɔkla lee. M`ba myenm welee.

<sup>12</sup> Tn log-n tɔniibnbina! Gbanu ba huyen ka ba n hulii kɔd. Hulii nn la ba kɔd lee, ka hɛna hi menhii gbanbilmu. L`ba yenmii n Krista. <sup>13</sup> Krista tiibee mɛmbee, mig \*Yuudaa tii laa, há kpaɲ na Yuudaa tia, mig yuum laa há ba hayen hà bolmɲn wii, bà hoda-t n Voɲoom Buudyenm na t`he gbanbilmu. T`nyira t`mɛmbee Voɲoomii bilgan. M`ba myenm welee. <sup>14</sup> Biilm, gbanu kpaɲ ba na hulibilmgan. Hulii kɔd hɛna gbanbilmu. <sup>15</sup> Nakpaɲa kpaɲ kà bee kà biir na wo kan kpaɲ na nufu lee, ka welee lag gbanu heɲl n kan. Ka ká la biir welee, ɔ̀ lag gbanu heɲl n kann? <sup>16</sup> Toɲr kpaɲ d`bee d`biir na dn kpaɲ na nɔmb lee, ka welee, lag gbanu heɲl n dn. Ka d`la biir welee, ɔ̀ lag gbanu heɲl n dnn? <sup>17</sup> Ka gbanu nn bɛm na nɔmb n jaɲ de, ɔ̀ hù he lan hù homa? Ka hun bɛm na toɲr de, ɔ̀ hù he lan hù hom want rufu? <sup>18</sup> Sangband mɛɲra gbanu n lo hulii hi tagan wo dn sɔkl lee. <sup>19</sup> Ka l`mɛnguu nn bɛm hulibilmga, ɔ̀ gbanu nn ba hù bɛma? <sup>20</sup> Lee, hulii ba kɔd, gbanu ba huyen. <sup>21</sup> Nɔmb kpaɲ b`bee b`biir nufu na b`kpaɲ hɛna-fu n bii. Jugu ta kpaɲ kù bee kù biir nakpai na kù kpaɲ hɛna-hi n bii. <sup>22</sup> Yanta, gbanu hulii hí kpaɲ

Krl

hافر hii beel daft l' yata. <sup>23</sup> Hulii ban kpa'a fohma hii, hii nnii ban maantra. Hulii h' kpa'h na ba' nyaan n nɔmb ba' geedg ba' lil hii, hii nnii tn kɔkma. Hulii ban yu n niini hii, <sup>24</sup> hii kpa'a haaraa na h'a kɔkm-hi. Sangband hera gbanu na l' jeenjlm hulii h' kpa'a tɔn hii. <sup>25</sup> D' hera welee na raarb daa bɛm gbanun. Yanta, hulihi kiiga taa jugun. <sup>26</sup> Ka huliiga kiiga ju kunyɔŋu, volhii mɛnhii t ka ta hum wiiru. Ka l' jeenjl kiiga, volhii mɛnhii t ka ba nyaagbn.

<sup>27</sup> Nen lee, nen nnii Krista gbanu. N' ni baaben tia ba na gbanhuu huliiga kiigan. <sup>28</sup> Ln ta ba nnii n kpaturu. Sangband lo \*tumtba kaalanooorgan, rehdmii, \*gwɛɛt bɔhɔɔtba, tahrn, Sangband gwɛɛt weriitba. Bee n ba' kaan, d' ta lo ba' hɛna hoolgu hɛb bee, n Sangband nn sir na ba' gbaadiim bee, n ba' tɔra bee, n ba' mad kpaturu ηmɛɛgt bee, n ba' gwɛɛla lamsaanm bee. <sup>29</sup> ¿Bá mɛmbee nnii tumtban? ¿Bá mɛmbee nnii gwɛɛt bɔhɔɔtban? ¿Bá mɛmbee nnii Sangband gwɛɛt weriitban? ¿Bá mɛmbee hɛna hoolgu hɛbn? <sup>30</sup> ¿Bá mɛmbee gbaadaan? ¿Bá mɛmbee gwɛɛla lamsaanmn? ¿Bá mɛmbee rea lamii kɔtɔdn? Haa! L' kpa'h welee. <sup>31</sup> Tii lee, bagm-n n mɔlm hɔmgu ηmɛɛgt t' yatg bermt tii!

Lee, maa ba ma' werii-n huru h' yatg hɔm huu.

### Hɔmgu kú yatg hɔm kuu. Kuu nnii sɔklb.

**13** <sup>1</sup> Tn lɔg-n na ma' gwɛɛla lamii mɛnmii, nidba rem ka lagaa n \*sangbantumtba remii mɛh'. Gwentahaa, ka ma' kpa'a sɔkla ma' nidtaaba<sup>z</sup>, ma' boo gɔŋgɔŋu laa sansangbeft ban gbu tii, kpaalaa nnii. <sup>2</sup> Ka ma' ta sohda Sangband noon gwɛɛt ka bɔhɔɔ, ka mi d' kpeŋkpehgan gwɛɛtii mɛntii, ka ba n miibii mɛmbii, ka ta ba n gwɛɛt hɛn tiim m' hافر ka la ba na maan bee ma' hɛ na duura tedm kaalai, gwentahaa, ka ma' kpa'a sɔkla ma' nidtaaba, ma' kpa'a ba bii felah'. <sup>3</sup> Ta welee nnii, ka ma' ta lɔg ma' kwɛgdmi mɛnmii n raarm kunyɔŋtiiba, laa n lɔgm ma' gbanu n vidm na bogm dii-hu, ka ma' kpa'a sɔkla ma' nidtaaba, l' kpa'a tɔra-ma bii felah'.

<sup>4</sup> Sɔklb nn ba lee, b' jul kwɛɛwr ka hugl n hɔmgu. Bn ba lee, b' kpa'h nɔmmooga, b' kpa'a weraa byen, b' kpa'a fuuraa byen, <sup>5</sup> b' kpa'a hɛna bii b' tigla jiwfi, b' kpa'a bag byen b' hɔmgu, b' kpa'a ba kwɛɛwkpkpidŋa, b' kpa'a mad hiiwu b' ni. <sup>6</sup> Bn ta ba lee, l' ta kpa'a saf-h

**13.1-13.** Hubiigankenan, ka ba lo na *ma' sɔkla ma' nidtaaba*, Sangband sɔklb ta ba kan. Nyaan Matewa 22.37-39.

nyaagb n bii b' kpa'h hɔm bii. Gobiint safi-b nyaagb. <sup>7</sup> L' mɛnguun, b' waa ka tia, ka daag ka ju kwɛɛwr, ka sohda l' bifi'.

<sup>8</sup> Sɔklb nan kpa'a difaa felah'. Didi, Sangband noon gwɛɛt bɔhɔɔb nan booran, lamsaanm gwɛɛlb jefnt, l' saa hɔmgu Sangband nn sir na t' miim kuu ta jefnt. <sup>9</sup> Biilm, t' miib ba soh, Sangband noon gwɛɛt tn bɔhɔɔ tii ba gidgu. <sup>10</sup> L' mɛnguu daa sohaa, bii b' ba soh bii bɔr. <sup>11</sup> Ma' wen da ba buga, ma' da gwɛɛla ka diila ka hum buluumga dela. Man her nidmɔm lee, ma' buluumga beeb t boorm. <sup>12</sup> Gwelŋa, t' yul want fur fur wo t' geewa-t diigun<sup>z</sup>. Goor daa nan taana, t' nyaan-t kpanyah'. Gwelŋa, ma' miib ba soh. Goor daa taana, ma' miim wo Sangband nn mii-ma lee. <sup>13</sup> Lee, ma' bɔhɔɔ na want ttaft n jaf beeln. Tii nnii gwɛɛt hɛn tiim n daagb n sɔklb. Gwentahaa, t' tafhrbee huuga, bii b' yatg bii nnii sɔklb.

### Lamsaanm gwɛɛlb n Sangband noon gwɛɛt bɔhɔɔb

**14** <sup>1</sup> Welee lee, sɔklm-n n' nidtaaba l' yata! Ta bagm-n n mɔlm hɔmgu ηmɛɛgt \*Vohoom nn saf tii! Gwentahaa, bagm-n Sangband noon gwɛɛt bɔhɔɔb l' yata! <sup>2</sup> Ka l' ba na hii gwɛɛla lamsaanmn, lag nidba n nnii han gwɛɛla n, h'a gwɛɛla n Sangband. \*Vohoom tɔra-wu h'a bɔhɔɔ Sangband kpeŋkpehgan gwɛɛt, gwentahaa, hii kpa'a hum kan tiit. <sup>3</sup> Yanta, ka hii bɔhɔɔ nidba Sangband noon gwɛɛt, h'a bahla-ba ka haf-la-ba, ka mɔh kpaturu. <sup>4</sup> H'a gwɛɛla lamsaanm wii, wii yen n jaf nnii ln tɔra. L' ba na h'a bɔhɔɔ Sangband noon gwɛɛt wii lee, wii tɔra kpaturhuu mɛnhuu. <sup>5</sup> Lee, n' ba n' bee n' gwɛɛlm lamsaanm n' mɛmbee. Ma' kpa'a kir. Gwentahaa, man bag bii nnii na n' bɔhɔɔm Sangband noon gwɛɛt. Wo ln ba l' tɔrg kpaturu lee, h'a bɔhɔɔ Sangband noon gwɛɛt wii, h'a ba berm ka yata h'a gwɛɛla lamsaanm wii, ka falah kpa'a bea na h'a ree m' kɔtɔd.

<sup>6</sup> Teelba-n, l' hel lamsaanm gwɛɛlb, ka ma' jibn n' hɛn n daan n ka gwɛɛla n nn lam miim n' kpa'a kewaa man bɔhɔɔ tii, n' kpa'a hum Sangband fohmgan gwɛɛt man bɔhɔɔ-n tii, n' kpa'a sohda miib biib, n' kpa'a hum Sangband noon gwɛɛt tiit, n' kpa'a sohda weriib biib, lee wen de, ¿l' tɔrg-n nan kan ben nnii? <sup>7</sup> Tn ta lɔg kɛɛmb n bina want! Ka l' ba na ba' gbul bina h'a kpa'a ror hɔm, ¿v' hɛ lan v' miig na binanfɛnan ban gbu?, laa ka ba' hɔh werga ka kpa'a ror hɔm, ¿v' hɛ

**13.12.** *Diigu.* Lee daa diini da yul l' ba fur fur.

Krl

lan v` miig na wergankenana ban hoh? <sup>8</sup> Ka b`a ta hoh \*tawdmuulŋa ka kpa`a ror h`om, ɔ v` he lan v` maantr vyen v` loo hoodr huru? <sup>9</sup> Nen lee, l` ta bee-n n yenmii, ka gwɛet t` ror n` noon tii kpa`h fumb, ɔ b`a he lan b`a miig nn bo`hoo tii? ɔ L` kpa`h yem nnii?

<sup>10</sup> Tant h`en lam ba jugu jugu. ɔ Miim bee b`a gwɛela ka kpa`a hum m` kotodn? <sup>11</sup> Ka hii gwɛela n man m`a kpa`a hum h`a lam, ɔ m`a ba kitg saanwu h`a nonga nii? ɔ Wii ta kpa`a ba saanwu m`a nonga nii? <sup>12</sup> Lee, wo nii nn bag n m`olm h`omgu ŋmɛɛgt Vo`hoom nn saf tii lee, bagm-n nan t` t`ora kpaturu tii! Bagm-n-t welee h`om!

<sup>13</sup> Tii kaa nnii h`a gwɛela lamsaanm wii, h`a seeŋm ka gbaama na l` si-wu h`omgu na h`a reem m` kotod. <sup>14</sup> Ka Vo`hoom t tag n m`a h`en m`a ka seeŋa n lamsaanmn, m`a seeŋa Sangband h`om gwenta`h, m`a kpa`a hum kan tiit. <sup>15</sup> Welee kaa, ka l` h`efr-ma na m`a seeŋ welee, l` ba h`om, gwenta`haa, l` ta ba na m`a seeŋm n m`a rarm. Ka l` ta h`efr-ma na m`a yuum welee, l` ba h`om, gwenta`haa, l` ta ba na m`a ta yuum n m`a rarm. <sup>16</sup> Biilm, ka v` seeŋa Sangband welee na dii hera ŋmɛɛgb, nidkwɛelba kpa`a kewaa vn bo`hoo tii. Ka l` dan n taam na b`a biir na «l` b`em welee» de ɔ baa b`a he lan b`a biir welee? <sup>17</sup> Ka v` seeŋb la ba h`om wo benaa, l` kpa`a t`ora hii.

<sup>18</sup> Man lee, m`a seeŋa Sangband na d` hera ŋmɛɛgb n saa na m`a gwɛelm lamsaanm ka yata n` membee. <sup>19</sup> Gwenta`haa, m`a wen ba kpaturun, m`a sokla na m`a biir gwɛet tnut n rarm na l` si b`a ba kan bee rarm n man ba m`a gwɛel gwɛet ruugu n faht n lamsaanmn lee. <sup>20</sup> Teelba-n, daa b`em-n wo buluumii l` wen ba na n` jahuu tiit! B`em-n wo buluumii h`ebb`efb nongan! Lee, jahuum-n wo nidm`omba! <sup>21</sup> L` h`oda \*Wadbuudgan na:

*Saberma beda na*

*h`a ba h`a gwɛel n tigrndina lamsaanmn*

*ka tagaa n saanba noora.*

*Gwenta`haa, b`a ta kpa`h b`a kewlg kan tiit.*

*Sangband noon gwɛet nnii.*

<sup>22</sup> Tii lee, lamsaanm gwɛelb ba na waaru huufu nnii h`u hel b`a kir na b`a kpa`h b`a tii bee. H`u kpa`a hel b`a tia bee. Sangband noon gwɛet bo`hoo lee, bii hela b`a tia bee. B` kpa`a hel b`a kir na b`a kpa`h b`a tii bee. <sup>23</sup> Tn biir na n` ba n` membee kpoglb disakun ka kodra n` membee lamsaanm. Lee, nidkwɛelba biiba laa b`a kpa`a tia bee ni biiba t jibn n` h`en n kewii n` gwɛela lamsaanmii. Welee, ɔ b`a kpa`h b`a

biir na n` tiln? <sup>24</sup> Gwenta`haa, ka l` ta ba na n` ba n` kpoglb disakun nidkwɛelhii laa hii h`a kpa`a tia wii t jibn n hom n` membee nn gwɛela ka bo`hoo Sangband noon gwɛet tii, ɔ h`a kpa`h h`a tii na wii nnii fubeftia? ɔ H`a kpa`h h`a miig na l` yaa-wu n yaagu? <sup>25</sup> ɔ H`a kpa`h h`a biir na n` ree h`a ni gwɛet n dool feelganii? Lee wen lee, h`a gbafnt, h`a door Sangband tinan ka bo`hoo na, biilm, Sangband ba n` man.

### Kpaturun beeb

<sup>26</sup> Teelba-n, ɔ ben nnii ln ba na t` hea? N` wen kpogla taa, hii ba h`a bee h`a yuum, l` saa vola weraa, vol lee, wii sohdg Sangband fohmgan gwɛet wo vola nn ta ba h`a gwɛel lamsaanm lee. L` ta saa vola ree lamsaanmii kotod. Lee, l` m`enguu ba na l` m`ef kpaturu. <sup>27</sup> Bii b` hel lamsaanm gwɛelb lee, l` ba na barehba gwɛelm ka sohd`a taa, l` daa yatg bata`h, l` saa hii ree ban bed tii kotod. <sup>28</sup> Ka l` ba na hii kpa`h na h`a ree ban bo na b`a biir tii kotod, h`a bo na h`a gwɛel wii kpat kpo`h. H`a diilgm l` kpa`a w`u n Sangband l` huuga. <sup>29</sup> L` saa Sangband noon gwɛet bo`hoo jugunii, bareh laa bata`hba ba b`a bee b`a log gwɛelb, l` saa volbee nyigaa ka jahwa ban bo`hoo tii. <sup>30</sup> Ka l` he wo hii ta ba kan n sohd Sangband fohmgan gwɛet tiit na h`a biir, l` ba na han gwɛelm wii kpat kpo`h. <sup>31</sup> Lee, n` membee n` ba n` bee n` gwɛelm welee ka sohdra taa ka sug na baawena sohdg weriib l` haflg-wu. <sup>32</sup> H`a bo`hoo Sangband noon gwɛet wii ba h`a bee h`a mug hayen. <sup>33-34</sup> Sangband nn ba lee, d` kpa`a bag na l` b`em rok rok. D` bagl na l` m`enguu getgm nigigun.

Bii b` hel fo`gba bii lee, l` ba na b`a b`em belaf kpaturun wo ln ba Krista tiiba kpaturi menin lee. B`a kpa`h n noor na b`a biir tiit kpoglb. L` ba na b`a hoflgm bayen wo Mohiisa \*bahlb nn bo`hoo lee. <sup>35</sup> H`a ba n tiit na h`a gbaam h`a hom l` kotod wii, h`a gbaam h`a sidwu haaga. Biilm, n` m`omba n` miil na l` kpa`a magr n fog na h`a biir tiit kpoglb.

<sup>36</sup> ɔ N` diila na laa? ɔ N` mi na Sangband gwɛet ren n` mann? ɔ Nen n jah n` sohdg-tn? <sup>37</sup> Ka l` ba na n` ni hii logl hayen na wii nnii Sangband noon \*gwɛet bo`hoo laa na Sangband \*Vo`hoom kpa`haa-wu, h`a ba h`a miim na man hoor-n tii ba na Berma wadn. <sup>38</sup> Ka h`a kpa`a mi welee, l` weraa na Sangband ta kpa`a mii-wu. <sup>39</sup> Tii lee, m`a teelba-n, bagm-n n m`olm na n` bo`hoom Sangband noon gwɛet ka kpa`a kir lamsaanm gwɛelb! <sup>40</sup> Lee, h`em-n l` m`enguu welee na l` magr ka ba se jugun!

Krl

## KUUMN HIMTGM JUGUN

## Kpiirmba himtgm

**15** <sup>1</sup> M̀a teelba-n, m̀a deeda-n Gohɔmt man da faa-n tii. N`da sohdg-t n ka nawr n tn. <sup>2</sup> Gohɔmtii kaa nii In dafr n`juuni, ka n`kpat n ka mad-t wo man da faa-n-t lee. Ka lag welee n`tiimii ba yem.

<sup>3</sup> M̀a da to-n man da sohdg bii. Bii beel daft. Bii nii na Krista kpiira t`fubɛhii kaa wo In da bed \*Wadbuudgan lee. <sup>4</sup> B́a kuur-wu, h́a himt gotafrd goor wo In da ta bed Wadbuudgan lee. <sup>5</sup> H́a himtgm n m`kaann, h́a ree hayen n werii Fetra, n ta werii hayenwu h́a \*tumtba kwifr barehbee. <sup>6</sup> Bee n b́a kaann, h́a ree hayen n werii teelba lɛmi hinu n faht myenm h́en. B́a la neera n jana. Kaalkahba n jah kpiidrn. <sup>7</sup> Bee n b́a kaann, h́a ta ree hayen n werii Yakooba n nan tumtbee mɛmbee. <sup>8</sup> Bee mɛmbee n b́a kaann nii han ta ree hayen n werii man, man kpa a ton bii man. <sup>9</sup> Man nii tumtba kaawra. Ka ba na t`biir gobiint, m̀a kpa a ton na b́a hoh-ma na tumta, blaɛb kaa, m̀a hera Sangband kpaturu dad dad. <sup>10</sup> Gwentahaa, Sangband hɔmgu kaa nii man ba bii man ba gwelɛa bii. Hɔmgu dn her-ma kuu ba kpat yem. Yanta, m̀a hera ɛmɛɛgb n yat tumtbee mɛmbee. Biilm, lag man heran. Sangband hɔmgu dn sir-ma kuu heran. <sup>11</sup> Tii lee, mig gwɛetii reda maa man laa, t`reda bee man, tn faa tii nii. Ta tii jugun nii nn tii.

## Krista himtg kuumn biilm

<sup>12</sup> Wo tn faa na Krista himtg kuumn, ɔ l`ta mana n tee na n`ni biiba bɔhɔɔm na kpiirmba nan kpa a himta? <sup>13</sup> Ka l`ba gobiint na kpiirmba nan kpa a himta, l`weraa na Krista ta ba himtg kuumn. <sup>14</sup> Lee, ka l`ba welee, l`weraa na gwɛet tn faa tii ba yem, n`gwɛet h́en tiim ta ba yem. <sup>15</sup> Ka l`ba gobiint na kpiirmba nan kpa a himta kuumn, l`weraa na Sangband da ta ba himii Kristwu kuumn. Wo tn bɔhɔɔ na d`da himii-wu kuumn lee, ta biir-n nan na ten nii gokaat tiiba, l`kɔtɔd na t`beda gokaat d`hidrn. <sup>16</sup> Biilm, ka l`ba na gobiint na kpiirmba nan kpa a himta, l`weraa na Krista da ta ba himtg kuumn. <sup>17</sup> Ka l`ba biilm na Krista ba himtg kuumn, n`gwɛet h́en tiim ba yem, n`nyi vɛfra n`fubɛhiin, <sup>18</sup> l`saa b́a kpiir ka nawr n Krist bee

bɔda kpaalaa. <sup>19</sup> Ka l`ba na tantntina jugun n jah nii tn daag Krista h́eni, l`mag na b́a kom-t t`neer.

<sup>20</sup> Lee, Krista himtg kuumn biilm. Wii nii noogra b́a ba b́a himtg bee mɛmbee huuga, wo dikafnooga nn weraa na dikahb biiran lee. <sup>21</sup> Wo In da tag n nidbilma h́en kuum t daan tant h́en lee, ta welee nii In ta tag n nidbilma h́en kuumn himtgm t ta daan. <sup>22</sup> Wo nidbee mɛmbee nn kpiidra na bee nii \*H́adama yakii lee, ta welee nii ban nan ba b́a neer na b́a n Krist l`laglgn. <sup>23</sup> Gwentahaa, kuumn himtgmii kpa a ba yɔh`. Nooga sah, Krista. Wii kaann, h́a reba ta himtg h́a daa ɛmɛtɛna. <sup>24</sup> Bee kaann, h́a kpii huraant mɛnt n bermt mɛnt, n gemmt mɛnt, l`saa h́a log h́a huraant h́a to Sa Sangband. Lee, l`dih nii. <sup>25</sup> Biilm, l`ba na h́a di huraant kakehnan dn kee d`he h́a rafeedba bɛm h́a kwɛɛn h́a nawdra-ba<sup>z</sup>. <sup>26</sup> Rafeedkaawr han nan ba h́a kpii wii nii kuum. <sup>27</sup> Biilm, l`hɔda na: *Sangband lo l`bih h́a kwɛɛn<sup>z</sup>*. Ln bɔhɔɔ na l`lo l`bih h́a kwɛɛn lee, l`kpa a lagaa n h́a lo l`bih h́a kwɛɛn wii. <sup>28</sup> Lee, goor daa taana na l`bih bɛm h́a kwɛɛnii, wii mɔma lo hayenwu Sangband kwɛɛn, na wii nii d`Budaaga, ka sug na Sangband bɛm bermt l`mɛnguu jugun want mɛntn.

<sup>29</sup> Lee, m̀a ɛmɛtɛna kpiirmba himtgm gwɛet jugun. Ka l`ba gobiint na kpiirmba nan kpa a himta, ɔ ben kaa nii ban \*huur biiba Sangband nyaalm l`ba na l`keda-ba n kuum nii? ɔ Ben kaa nii ban lɔɔ bayenwu kuum noonii? <sup>30</sup> L`saa ten de, ɔ ben kaa nii tn neer neerm miim m`ked n tn kuumn kutuuu? <sup>31</sup> Man ba lee, m̀a ba kuum noon goorhee mɛnhee. Gwɛetii ba gobiint wo man ta bɔhɔɔ na m̀a nyɔka mayen n`kaa lee. Biilm, m̀a nyɔka mayen ɛmɛɛgb t`Berm Yeesu Krista nn her n`huuga bii kaa. <sup>32</sup> Tn la ba H́efɛɛs kɔrgun lee, ɔ t`kpa a ba kuum noonii? ɔ T`ba fam kan wo l`biir na t`fam l`diid? Ka l`ba na t`da h́ena welee n nida diila, ɔ maa wayaa kan ben nii? Ka l`ba gobiint na kpiirmba nan kpa a himta, ka welee, *tn jum-n ka nyi na su t`ba t`kpi!* <sup>33</sup> H́ee-n hɔm! Tuurnbɛht kohla nida neerm. <sup>34</sup> Saa-n n`rarm kpen! Daa ta h́ee-n fubɛhga! Biilm, n`ni biiba kpa a mi Sangband. ɔ Jiwhi kpa a mad-n?

<sup>15.25</sup> Gwɛetii ba Yum110<sup>an</sup>.1.

<sup>15.27</sup> Gwɛetii ba Yum8<sup>an</sup>.7.

Krl

### ¿ Kpiirma nan himta laa?

<sup>35</sup> Lee, hii ba hà bee hà gbaam na ¿lan nii kpiirma nn nan himta kuum bà neera? ¿ Bà kee bà bɛm n gbantefu? <sup>36</sup> Joojooju ven! V' wen buud biir diir, ¿ biirii ba d' bee d' riir d' kitg bii ka ba boodga? <sup>37</sup> Vn buud tantn bii ba na ¿ jɔŋu laa jowr le? L' ba yenmii n dikafbuudfee mɛnfee. <sup>38</sup> Ban buud lee, Sangband t sahm blaɸb gbanu wo dn sɔkl lee. Biir dinaɸ t ka ba n d' gbanu, dinaɸ ta ba n d' gbanu.

<sup>39</sup> L' ta ba yenmii n namt. Namtii mɛntii kpaɸ yenm. Nida namt ba n tyen, dɔm ret ba n tyen, ŋmɛnii ret ba n tyen, l' saa hɔlii ret ta ba n tyen. <sup>40</sup> Ta welee nii tant hɛn want nn bee, sangbambiimn ret ta bee. Tant hɛn want beeb ba n byen n sangbambiimn ret beeb. <sup>41</sup> Welee nii muunu wiinga nn ba n kayen, kidga reka ba n kayen, l' saa ŋmɛdii wiinga ta ba n kayen. ŋmɛdii mɔmii ta kpaɸ wiir yenm.

<sup>42</sup> Welee nii ln ta kee l' bɛm kpiirma nn nan himta kuumn lee wen. Ban kuuraa gbanu lee, hù ba na hù ba hù boodg. Hù kee hù himtg lee, hù nan ta kpaɸ booda. <sup>43</sup> Ban kuuraa-hu lee, hù ba na hù kpaɸ tɔn. Hù kee hù himtg lee, ka ba hɔm kpaalaa. Ban kuuraa-hu lee, hù ba na hù ba gigdm. Hù kee hù himtg lee, ka ba n gemmnt. <sup>44</sup> Ban kuuraa-hu lee, hù ba na gbanu mɔmun. Hù kee hù himtg lee, ka ba na \*Vohoom Buudm hefl n huun. Gbanu mɔmu bee. Ta welee nii gbanu Vohoom nn sah huu nn ta kee hù bɛm. <sup>45</sup> Biilm, \*Wadbuudga bɔhɔɔ na: «*nidnoogr Hádama da kity nidneera*». Hádama kaawr lee, wii nii Krista. Vohoom ba hà ni, há ka sah neerm. <sup>46</sup> Lag gbanu Vohoom nn sah huu kena nɔngan, gbanu mɔmu kena nɔngan. Lee, gbanu Vohoom nn sah huu t daan n kaann. <sup>47</sup> L' da mɛfra nidnoogrwu n tant. Hádama volwii lee, wii rɛn sangbambiimn. <sup>48</sup> Wo ln da lɔgr tant n mɔhm nidnoogr lee, ta welee nii tn ta ba. Biiba bá ba na sangbambiimn hefl n ban bee, bee kee bà ta tɔn há rɛn sangbambiimn wii. <sup>49</sup> Wo tn tɔn hii ln mɛfr n tant wii lee, ta welee nii tn ta kee t' tɔn hii há rɛn sangbambiimn wii. <sup>50</sup> Lee, mà teelba-n, mà bɔhɔɔ na waa, t' gbani hí ba namt n jiiim hii kpaɸ hì bee hì yuun kaalaja \*Sangband huraantn. Bii b' booda bii kpaɸ b' bee b' laglg n bii b' kpaɸ booda bii.

<sup>51</sup> Lee, maa mà ree hoolgu gwɛɛtntina mà biir-n. T' nan kpaɸ ku t' mɛmbee, gwɛntaɸaa, t' mɛmbee t' nan lagaa gbani. <sup>52</sup> Welee kee l' he myenm jugun wo nɔmb samtgm ln nan hɔɸaa muulkaawrga

lee wen. Muulɸee nn kee kà hɔh lee, bá da kpiir bee himtg. Bá gbani nan ta kpaɸ booda. L' saa l' lagii ten. <sup>53-54</sup> Gbani hí ku ka booda hii nn kee hì lagii hì bɛm kakeɸnan ka kpaɸ booda lee, lee wen Wadbuudgan gwɛɛtntina he t' noor jugun na:

*l' diira kuum jugun kpaalaa.*

<sup>55</sup> *Yooo! Kuum ven, ¿ v' jugun deb ba tee?*

*Yooo! Kuum ven, ¿ v' tuudm ba tee?*

<sup>56</sup> Kuum tuudm nii fubɛɸga, l' ba na fubɛɸga gemmnt ror \*baɸlbn.

<sup>57</sup> Bá nyɔkm Sangband na dii sahl-t jugun deb ka tagaa n t' Berm Yeesu Krista!

<sup>58</sup> Tii lee, mà teelhɔmba-n, daa nigiiim-n! Bɛm-n saw! Hɛm-n Berma ŋmɛɛgb ka kpaɸ saa, ka mi hɔm na wii man hii giidm kpaɸ kpata yem.

### GWɛɛT JUGU JUGU HɛN LEEDGM

#### Bà kpogla liǵbiir na bà tuui Yerusalem kpaturu

**16** <sup>1</sup> Gwelɸa, bii b' hɛl liǵbiir d' ba na bá tuui \*Yerusalem Krista tiiba dii gwɛɛt jugun, mà da werii Galasii kpaturi tiiba ln ba na bá hɛm lee. Lee, ta hɛm-n wo man da bed-ba lee! <sup>2</sup> Tii nii na, laad wo laad, n' ni baaben tia doolgm kpamga bii han yuun bii gidgu ka bo na ka mà dan n daan, l' daa bɛm na bá baɸ bà liim. <sup>3</sup> Lee wen lee, mà sohdg n' liǵbiir mà to biiba nn bantg bee bà san n Yerusalem ka mad bà wadii man ba mà hɔr hii. <sup>4</sup> Ka l' gbaama na mà mɔm mà san, mà n ban t' san.

#### Fɔɔla diila

<sup>5</sup> Lee, mà hilwa na mà daan n' man ka tag n Masedonii. L' ba na mà san welee tantiin. <sup>6</sup> Ka l' ba he hɔm, mà daan n' man mà he goora halanɸa laa mà kad n' man hawet vuuguu mɛmɛnguu. Lee, n' bee n' tɔrg-ma mà fɛlgm mà huru kena. <sup>7</sup> Biilm, mà kpaɸ bag na mà jɛhnt n' man jɛhntuɸ'. Mà bagl na ka Berma t sɔkl, mà kad n' man. <sup>8</sup> Gwelɸa lee, maa mà kpat mà bɛm Hɛfɛɛs kɔrgun kakeɸnan \*Dikafnooga kasant goor. <sup>9</sup> Biilm, l' sira-ma huru nnaɸreen na mà he ŋmɛɛgb b' san n nɔngan, l' ta ba na bá kir Gohɔmt ka taaw-t hoodr bee kɔd ta bee.

Krl

<sup>10</sup> Ka Timotea t daan n`man, sohdg-n-wu hɔm ka bo na h́a daa jal jaluh! N`miil hɔm na h́a ta h́ena Berma ηmɛɛgb mà dela. <sup>11</sup> Tii lee, n`ni hii daa nim-wu! Lee, má ka gbaama-n na, h́a wen daa h́a ηmɛtgn lee wen, n`torg-wu wú n teelba bà hefla-wu bá huru kenan bee na bá ηmɛtgn mà man nigiiḡun. Mà h́oda-ba.

<sup>12</sup> Bii b`hel t`teel H́afɔlooswu bii lee, mà gira ka sah-wu ηmeenm na h́a laglg wú n t`teelba bá kena n`man bee, bà daan. Gwentahaa, h́a ka ba tii na vuugu ba mag n wun. Lee, n bɔhɔɔ na h́a ba h́a ηmɛtgn l`wen ba l`si-wu huru lee wen.

### Bahkaawrb

<sup>13</sup> Lee, má ka gbaama-n na n`bem saw ka mad n`gwɛɛt h́en tiim l`bu. Bem-n nidmɔmba ka hafɔr dandaba dela! <sup>14</sup> Saam-n na sɔklb krahaam n`hɛbii mɛmbii!

<sup>15</sup> Teelba-n, mà deeda-n Sitefanaaswu n faa reba l`jugun. N`mɔmba n`miil hɔm na bee nii nidnoogrba na bà to bayen Sangband H́akayii tantii mɛntiin. ¿Bà ba to bayen n ka h́ena Berma ηmɛɛgb na l`tɔrg Krista tiibee mɛmbee? <sup>16</sup> Tii lee, mà gbaama-n na n`hoflḡm nyen bá kwɛɛn ka ta lagaa n bà teelba bá kuu bayen ηmɛɛgbii kaa bee.

<sup>17</sup> L`h́ena-ma lamɛɛgu kpaalaa l`bahɔr n Sitefanaaswu n Fortunaatwu n H́akayiiika ban daan n luud-ma lee. <sup>18</sup> Bá daanm, bà da doolg mà kwɛɛwr wo ban daa ka ta h́ena-n lee. Lee, valḡm-n welee nidbee!

### Seenb

<sup>19</sup> H́asii Sangband kpaturi seenja-n. H́akiilwu n Firsiiil n nan bá kpogla taa baa bee ta seenj-n hɔm hɔm Berma hidrn. <sup>20</sup> Teelba-n, bá ba mà man bee mɛmbee ta seenja-n. Seejḡm-n taa vol wo vola ka hogaa taa sɔklbn!

<sup>21</sup> L`saa Fɔɔl man, mà h́oora tinah mà mɔm na mà seenj-n. <sup>22</sup> Lee, ka hii kpaa sɔkla Berma, l`gwɛɛl h́a kaa nobɛhr! *Marana taa!* Berma, kenm!

<sup>23</sup> Berm Yeesua hɔmḡu bɛm n`man! <sup>24</sup> Yeesu Krista kaa, mà sɔkla n`mɛmbee.

Fɔɔla wadrehdrḡa h́an da h́od

# KORɛENT TIIBA

kee

————— B`ba wadgankenana bii —————

*Fɔɔla h́oda wadgankena Korɛent Krista tiiba. H́a wadnoogrga h́an da h́od-ba kee kaann, l`kohl wú n kan kpaturhuu l`huuga. Sah na h́a ηmɛtḡ kan, h́a hoorm-ba wadgankena na l`lagii b`ba bà huuga bii.*

- *L`log hubi<sup>19a</sup> kakehnan 7<sup>an</sup>, Fɔɔla taawa h́a tumtt ηmɛɛgb kaa. H́a logl welee na ηmɛɛgbn. H́an hel bii ba byen. Bii nii na nidba miig Sa Sangband n Yeesu Krist baateekana. Laklb ba ηmɛɛgbiin kɔd. Bii nii kunyɔḡu n kuum. H́a sohda welee mɛnguu ka ju kwɛɛwr. H́a bɔhɔɔ h́an ba bii mɛmbii na Korɛent tiiba daa kɔhdḡ-wu bà kir gwɛɛt h́an faa-ba tii.*
- *Hubi 8<sup>na</sup> n 9<sup>an</sup>, h́a weraa-ba lan nii myenm h́eb nn ba hɔm lee. Fɔɔla nn da h́oor wadgee lee, Korɛent kɔrguu ba kwegdm, bà h́ena kan yaku hɔm, liḡbiir ba daht nida neermn. Hubihii h́ena na nida diilḡ taa tɔrgm jugun. Fɔɔla gbaama Korɛent Krista tiiba na bá si want n liḡbiir hɔm l`tɔrg Yerusalem reba na kunyɔḡtiiban.*
- *L`log hubi<sup>10na</sup> kakehnan 13<sup>gan</sup>, Fɔɔla vida bá bɔhɔɔ na lag wii nii gobiint tumt bee jugun. Nidba biiba da jib Korɛent kpaturhuun n ka faa gwɛɛt tiit t`ba n tyen n Fɔɔla nn da faa-ba tii, l`ka haam bá tia bee rarm. Biilm, nidbee logl bayen na tumtbermba, l`ba na bá beeb n bà gwɛɛlb magra n Korɛent tiiba neerm. Lee, Fɔɔla t ka saa na bá miig na Yeesu Krista tumta hofla hayen n tiḡa na volbee berijm. H́a ka deeda-ba na wii da faa-ba Gohɔmt yem ka ba gbaam liḡbiir.*